

论语·学而篇第一

1.1 子曰：“学而时习之，不亦说乎？有朋自远方来，不亦乐乎？人不知而不愠，不亦君子乎？”

1.2 有子曰：“其为人也孝弟，而好犯上者，鲜矣；不好犯上而好作乱者，未之有也。君子务本，本立而道生。孝弟也者，其为仁之本欤！”

1.3 子曰：“巧言令色，鲜矣仁。”

1.4 曾子曰：“吾日三省吾身：为人谋而不忠乎？与朋友交而不信乎？传不习乎？”

1.5 子曰：“道千乘之国，敬事而信，节用而爱人，使民以时。”

1.6 子曰：“弟子入则孝，出则弟，谨而信，泛爱众而亲仁，行有余力，则以学文。”

1.7 子夏曰：“贤贤易色；事父母，能竭其力；事君，能致其身；与朋友交，言而有信。虽曰未学，吾必谓之学矣。”

1.8 子曰：“君子，不重则不威，学则不固。主忠信，无友不如己者，过，则勿惮改。”

1.9 曾子曰：“慎终追远，民德归厚矣！”

1.10 子禽问于子贡曰：“夫子至于是邦也，必闻其政。求之欤？抑与之欤？”子贡曰：“夫子温、良、恭、俭、让以得之。夫子之求之也，其诸异乎人之求之欤！”

1.11 子曰：“父在，观其志；父没，观其行；三年无改于父之道，可谓孝矣。”

1.12 有子曰：“礼之用，和为贵。先王之道，斯为美，小大由之。有所不行，知和而和，不以礼节之，亦不可行也。”

1.13 有子曰：“信近于义，言可复也。恭近于礼，远耻辱也。因不失其亲，亦可宗也。”

1.14 子曰：“君子食无求饱，居无求安，敏于事而慎于言，就有道而正焉。可谓好学也已。”

1.15 子贡曰：“贫而无谄，富而无骄，何如？”子曰：“可也。未若贫而乐，富而好礼者也。”子贡曰：“《诗》云：‘如切如磋，如琢如磨’，其斯之谓欤？”子曰：“赐也，始可与言《诗》已矣！告诸往而知来者。”

1.16 子曰：“不患人之不己知，患不知人也。”

论语·为政篇第二

- 2.1 子曰：“为政以德，譬如北辰，居其所而众星共之。”
- 2.2 子曰：“《诗》三百，一言以蔽之，曰：‘思无邪’。”
- 2.3 子曰：“道之以政，齐之以刑，民免而无耻；道之以德，齐之以礼，有耻且格。”
- 2.4 子曰：“吾十有五而志于学，三十而立，四十而不惑，五十而知天命，六十而耳顺，七十而从心所欲，不逾矩。”
- 2.5 孟懿子问孝。子曰：“无违。”樊迟御，子告之曰：“孟孙问孝于我，我对曰‘无违’。”樊迟曰：“何谓也？”子曰：“生，事之以礼；死，葬之以礼，祭之以礼。”
- 2.6 孟武伯问孝。子曰：“父母唯其疾之忧。”
- 2.7 子游问孝。子曰：“今之孝者，是谓能养。至于犬马，皆能有养；不敬，何以别乎？”
- 2.8 子夏问孝。子曰：“色难。有事，弟子服其劳；有酒食，先生馔。曾是以为孝乎？”
- 2.9 子曰：“吾与回言，终日不违，如愚。退而省其私，亦足以发，回也不愚。”
- 2.10 子曰：“视其所以，观其所由，察其所安，人焉廋哉？人焉廋哉？”
- 2.11 子曰：“温故而知新，可以为师矣。”
- 2.12 子曰：“君子不器。”
- 2.13 子贡问君子。子曰：“先行其言而后从之。”
- 2.14 子曰：“君子周而不比，小人比而不周。”

- 2.15 子曰：“学而不思则罔，思而不学则殆。”
- 2.16 子曰：“攻乎异端，斯害也已。”
- 2.17 子曰：“由，诲女知之乎？知之为知之，不知为不知，是知也。”
- 2.18 子张学干禄。子曰：“多闻阙疑，慎言其余，则寡尤；多见阙殆，慎行其余，则寡悔。言寡尤，行寡悔，禄在其中矣。”
- 2.19 哀公问曰：“何为则民服？”孔子对曰：“举直错诸枉，则民服；举枉错诸直，则民不服。”
- 2.20 季康子问：“使民敬、忠以劝，如之何？”子曰：“临之以庄，则敬；孝慈，则忠；举善而教不能，则劝。”
- 2.21 或谓孔子曰：“子奚不为政？”子曰：“《书》云：‘孝乎惟孝，友于兄弟。’施于有政，是亦为政，奚其为为政？”
- 2.22 子曰：“人而无信，不知其可也。大车无輹，小车无軌，其何以行之哉？”
- 2.23 子张问：“十世可知也？”子曰：“殷因于夏礼，所损益，可知也；周因于殷礼，所损益，可知也；其或继周者，虽百世，可知也。”
- 2.24 子曰：“非其鬼而祭之，谄也。见义不为，无勇也。”

论语·八佾篇第三

- 3.1 孔子谓季氏：“八佾舞于庭，是可忍，孰不可忍也？”
- 3.2 三家者以《雍》彻，子曰：“‘相维辟公，天子穆穆’，奚取于三家之堂？”
- 3.3 子曰：“人而不仁，如礼何？人而不仁，如乐何？”
- 3.4 林放问礼之本。子曰：“大哉问！礼，与其奢也，宁俭；丧，与其易也，宁戚。”
- 3.5 子曰：“夷狄之有君，不如诸夏之亡也。”
- 3.6 季氏旅于泰山。子谓冉有曰：“女弗能救欤？”对曰：“不能！”子曰：“呜呼！曾谓泰山不如林放乎？”
- 3.7 子曰：“君子无所争，必也射乎！揖让而升，下而饮，其争也君子。”
- 3.8 子夏问曰：“‘巧笑倩兮，美目盼兮，素以为绚兮。’何谓也？”子曰：“绘事后素。”曰：“礼后乎？”子曰：“起予者商也，始可与言《诗》已矣。”
- 3.9 子曰：“夏礼，吾能言之，杞不足征也；殷礼，吾能言之，宋不足征也。文献不足故也。足，则吾能征之矣。”
- 3.10 子曰：“禘，自既灌而往者，吾不欲观之矣。”
- 3.11 或问禘之说。子曰：“不知也。知其说者之于天下也，其如示诸斯乎！”指其掌。
- 3.12 祭如在，祭神如神在。子曰：“吾不与祭，如不祭。”
- 3.13 王孙贾问曰：“‘与其媚于奥，宁媚于灶’，何谓也？”子曰：“不然，获罪于天，无所祷也。”

- 3.14 子曰：“周监于二代，郁郁乎文哉！吾从周。”
- 3.15 子入太庙，每事问。或曰：“孰谓鄫人之子知礼乎？入太庙，每事问。”子闻之，曰：“是礼也。”
- 3.16 子曰：“射不主皮，为力不同科，古之道也。”
- 3.17 子贡欲去告朔之饩羊。子曰：“赐也，尔爱其羊，我爱其礼。”
- 3.18 子曰：“事君尽礼，人以为谄也。”
- 3.19 定公问：“君使臣，臣事君，如之何？”孔子对曰：“君使臣以礼，臣事君以忠。”
- 3.20 子曰：“《关雎》，乐而不淫，哀而不伤。”
- 3.21 哀公问社于宰我。宰我对曰：“夏后氏以松，殷人以柏，周人以栗，曰：使民战栗。”子闻之，曰：“成事不说，遂事不谏，既往不咎。”
- 3.22 子曰：“管仲之器小哉！”或曰：“管仲俭乎？”曰：“管仲有三归，官事不摄，焉得俭？”“然则管仲知礼乎？”曰：“邦君树塞门，管氏亦树塞门；邦君为两君之好，有反坫，管氏亦有反坫。管氏而知礼，孰不知礼？”
- 3.23 子语鲁大师乐。曰：“乐其可知也：始作，翕如也；从之，纯如也，皦如也，绎如也，以成。”
- 3.24 仪封人请见，曰：“君子之至于斯也，吾未尝不得见也。”从者见之。出，曰：“二三子何患于丧乎？天下之无道也久矣，天将以夫子为木铎。”
- 3.25 子谓《韶》：“尽美矣，又尽善也。”谓《武》：“尽美矣，未尽善也。”
- 3.26 子曰：“居上不宽，为礼不敬，临丧不哀，吾何以观之哉？”

论语·里仁篇第四

- 4.1 子曰：“里仁为美。择不处仁，焉得知？”
- 4.2 子曰：“不仁者不可以久处约，不可以长处乐。仁者安仁，知者利仁。”
- 4.3 子曰：“唯仁者能好人，能恶人。”
- 4.4 子曰：“苟志於仁矣，无恶也。”
- 4.5 子曰：“富与贵，是人之所欲也；不以其道得之，不处也。贫与贱，是人之所恶也；不以其道得之，不去也。君子去仁，恶乎成名？君子无终食之间违仁，造次必于是，颠沛必于是。”
- 4.6 子曰：“我未见好仁者、恶不仁者。好仁者，无以尚之；恶不仁者，其为仁矣，不使不仁者加乎其身。有能一日用其力于仁矣乎？我未见力不足者。盖有之矣，我未之见也。”
- 4.7 子曰：“人之过也，各於其党。观过，斯知仁矣。”
- 4.8 子曰：“朝闻道，夕死可矣。”
- 4.9 子曰：“士志于道，而耻恶衣恶食者，未足与议也。”
- 4.10 子曰：“君子之于天下也，无适也，无莫也，义之与比。”
- 4.11 子曰：“君子怀德，小人怀土；君子怀刑，小人怀惠。”
- 4.12 子曰：“放于利而行，多怨。”
- 4.13 子曰：“能以礼让为国乎？何有！不能以礼让为国，如礼何？”
- 4.14 子曰：“不患无位，患所以立；不患莫己知，求为可知也。”
- 4.15 子曰：“参乎！吾道一以贯之。”曾子曰：“唯。”子出，门人问曰：“何谓也？”曾子曰：“夫子之道，忠恕而已矣！”
- 4.16 子曰：“君子喻于义，小人喻于利。”

- 4.17 子曰：“见贤思齐焉，见不贤而内自省也。”
- 4.18 子曰：“事父母，几谏。见志不从，又敬不违，劳而不怨。”
- 4.19 子曰：“父母在，不远游，游必有方。”
- 4.20 子曰：“三年无改于父之道，可谓孝矣。”
- 4.21 子曰：“父母之年，不可不知也，一则以喜，一则以惧。”
- 4.22 子曰：“古者言之不出，耻躬之不逮也。”
- 4.23 子曰：“以约失之者，鲜矣。”
- 4.24 子曰：“君子欲讷于言，而敏于行。”
- 4.25 子曰：“德不孤，必有邻。”
- 4.26 子游曰：“事君数，斯辱矣；朋友数，斯疏矣。”

论语·公冶长篇第五

- 5.1 子谓公冶长：“可妻也。虽在縲绁之中，非其罪也。”以其子妻之。
- 5.2 子谓南容：“邦有道，不废；邦无道，免于刑戮。”以其兄之子妻之。
- 5.3 子谓子贱：“君子哉若人！鲁无君子者，斯焉取斯？”
- 5.4 子贡问曰：“赐也何如？”子曰：“女，器也。”曰：“何器也？”曰：“瑚璉也。”
- 5.5 或曰：“雍也仁而不佞。”子曰：“焉用佞？御人以口给，屡憎于人。不知其仁，焉用佞？”
- 5.6 子使漆雕开仕。对曰：“吾斯之未能信。”子说。
- 5.7 子曰：“道不行，乘桴浮于海。从我者，其由欤！”子路闻之，喜。子曰：“由也，好勇过我，无所取材。”
- 5.8 孟武伯问：“子路仁乎？”子曰：“不知也。”又问。子曰：“由也，千乘之国，可使治其赋也。不知其仁也。”“求也何如？”子曰：“求也，千室之邑、百乘之家，可使为之宰也。不知其仁也。”“赤也何如？”子曰：“赤也，束带立于朝，可使与宾客言也。不知其仁也。”
- 5.9 子谓子贡曰：“女与回也孰愈？”对曰：“赐也，何敢望回？回也，闻一以知十；赐也，闻一以知二。”子曰：“弗如也！吾与女弗如也。”
- 5.10 宰予昼寝。子曰：“朽木不可雕也，粪土之墙不可朽也，于予与何诛？”子曰：“始吾于人也，听其言而信其行；今吾于人也，听其言而观其行。于予与改是。”

- 5.11 子曰：“吾未见刚者！”或对曰：“申枨。”子曰：“枨也欲，焉得刚？”
- 5.12 子贡曰：“我不欲人之加诸我也，吾亦欲无加诸人。”子曰：“赐也，非尔所及也。”
- 5.13 子贡曰：“夫子之文章，可得而闻也；夫子之言性与天道，不可得而闻也。”
- 5.14 子路有闻，未之能行，唯恐有闻。
- 5.15 子贡问曰：“孔文子何以谓之‘文’也？”子曰：“敏而好学，不耻下问，是以谓之‘文’也。”
- 5.16 子谓子产：“有君子之道四焉：其行己也恭，其事上也敬，其养民也惠，其使民也义。”
- 5.17 子曰：“晏平仲善与人交，久而敬之。”
- 5.18 子曰：“臧文仲居蔡，山节藻梲，何如其知也？”
- 5.19 子张问曰：“令尹子文，三仕为令尹，无喜色；三已之，无愠色。旧令尹之政，必以告新令尹。何如？”子曰：“忠矣。”曰：“仁矣乎？”曰：“未知。焉得仁？”“崔子弑齐君，陈文子有马十乘，弃而违之。至于他邦，则曰：‘犹吾大夫崔子也。’违之。之一邦，则又曰：‘犹吾大夫崔子也。’违之。何如？”子曰：“清矣。”曰：“仁矣乎？”曰：“未知。焉得仁？”
- 5.20 季文子三思而后行，子闻之，曰：“再，斯可矣。”
- 5.21 子曰：“宁武子，邦有道，则知；邦无道，则愚。其知可及也，其愚不可及也。”

5.22 子在陈，曰：“归欤！归欤！吾党之小子狂简，斐然成章，不知所以裁之！”

5.23 子曰：“伯夷、叔齐不念旧恶，怨是用希。”

5.24 子曰：“孰谓微生高直？或乞醢焉，乞诸其邻而与之。”

5.25 子曰：“巧言、令色、足恭，左丘明耻之，丘亦耻之。匿怨而友其人，左丘明耻之，丘亦耻之。”

5.26 颜渊、季路侍。子曰：“盍各言尔志？”子路曰：“愿、车、马、衣、轻裘与朋友共，敝之而无憾。”颜渊曰：“愿无伐善，无施劳。”子路曰：“愿闻子之志！”子曰：“老者安之，朋友信之，少者怀之。”

5.27 子曰：“已矣乎！吾未见能见其过而内自讼者也。”

5.28 子曰：“十室之邑，必有忠信如丘者焉，不如丘之好学也。”

论语·雍也篇第六

- 6.1 子曰：“雍也可使南面。”
- 6.2 仲弓问子桑伯子。子曰：“可也，简。”仲弓曰：“居敬而行简，以临其民，不亦可乎？居简而行简，无乃大简乎？”子曰：“雍之言然。”
- 6.3 哀公问：“弟子孰为好学？”孔子对曰：“有颜回者好学，不迁怒，不贰过。不幸短命死矣，今也则亡，未闻好学者也。”
- 6.4 子华使于齐，冉子为其母请粟。子曰：“与之釜。”请益。曰：“与之庾。”冉子与之粟五秉。子曰：“赤之适齐也，乘肥马，衣轻裘。吾闻之也，君子周急不继富。”
- 6.5 原思为之宰，与之粟九百，辞。子曰：“毋，以与尔邻里乡党乎！”
- 6.6 子谓仲弓，曰：“犁牛之子骍且角，虽欲勿用，山川其舍诸？”
- 6.7 子曰：“回也，其心三月不违仁，其余则日月至焉而已矣。”
- 6.8 季康子问：“仲由可使从政也欤？”子曰：“由也果，于从政乎何有？”曰：“赐也可使从政也欤？”曰：“赐也达，于从政乎何有？”曰：“求也可使从政也欤？”曰：“求也艺，于从政乎何有？”
- 6.9 季氏使闵子骞为费宰。闵子骞曰：“善为我辞焉。如有复我者，则吾必在汶上矣。”
- 6.10 伯牛有疾，子问之，自牖执其手，曰：“亡之，命矣夫！斯人也而有斯疾也！斯人也而有斯疾也！”
- 6.11 子曰：“贤哉！回也。一簞食，一瓢饮，在陋巷，人不堪其忧，回也不改其乐。贤哉！回也。”

- 6.12 冉求曰：“非不说子之道，力不足也。”子曰：“力不足者，中道而废，今女画。”
- 6.13 子谓子夏，曰：“女为君子儒，无为小人儒。”
- 6.14 子游为武城宰。子曰：“女得人焉尔乎？”曰：“有澹台灭明者，行不由径。非公事，未尝至于偃之室也。”
- 6.15 子曰：“孟之反不伐，奔而殿。将入门，策其马，曰：‘非敢后也，马不进也。’”
- 6.16 子曰：“不有祝鮀之佞，而有宋朝之美，难乎免于今之世矣！”
- 6.17 子曰：“谁能出不由户？何莫由斯道也？”
- 6.18 子曰：“质胜文则野，文胜质则史。文质彬彬，然后君子。”
- 6.19 子曰：“人之生也直，罔之生也幸而免。”
- 6.20 子曰：“知之者不如好之者，好之者不如乐之者。”
- 6.21 子曰：“中人以上，可以语上也；中人以下，不可以语上也。”
- 6.22 樊迟问知。子曰：“务民之义，敬鬼神而远之，可谓知矣。”问仁。曰：“仁者先难而后获，可谓仁矣。”
- 6.23 子曰：“知者乐水，仁者乐山。知者动，仁者静。知者乐，仁者寿。”
- 6.24 子曰：“齐一变，至于鲁；鲁一变至于道。”
- 6.25 子曰：“觚不觚，觚哉！觚哉！”
- 6.26 宰我问曰：“仁者，虽告之曰：‘井有仁焉。’其从之也？”子曰：“何为其然也？君子可逝也，不可陷也；可欺也，不可罔也。”
- 6.27 子曰：“君子博学于文，约之以礼，亦可以弗畔矣夫。”
- 6.28 子见南子，子路不说。夫子矢之曰：“予所否者，天厌之！天厌之！”

6.29 子曰：“中庸之为德也，其至矣乎！民鲜久矣。”

6.30 子贡曰：“如有博施于民而能济众，何如？可谓仁乎？”子曰：“何事于仁，必也圣乎！尧、舜其犹病诸！夫仁者，己欲立而立人，己欲达而达人。能近取譬，可谓仁之方也已。”

论语·述而篇第七

- 7.1 子曰：“述而不作，信而好古，窃比于我老彭。”
- 7.2 子曰：“默而识之，学而不厌，诲人不倦，何有于我哉？”
- 7.3 子曰：“德之不修，学之不讲，闻义不能徙，不善不能改，是吾忧也。”
- 7.4 子之燕居，申申如也，夭夭如也。
- 7.5 子曰：“甚矣吾衰也！久矣吾不复梦见周公。”
- 7.6 子曰：“志于道，据于德，依于仁，游于艺。”
- 7.7 子曰：“自行束脩以上，吾未尝无诲焉！”
- 7.8 子曰：“不愤不启，不悱不发；举一隅不以三隅反，则不复也。”
- 7.9 子食于有者之侧，未尝饱也。
- 7.10 子于是日哭，则不歌。
- 7.11 子谓颜渊曰：“用之则行，舍之则藏，惟我与尔有是夫！”子路曰：“子行三军，则谁与？”子曰：“暴虎馮河，死而无悔者，吾不与也。必也临事而惧，好谋而成者也。”
- 7.12 子曰：“富而可求也，虽执鞭之士，吾亦为之。如不可求，从吾所好。”
- 7.13 子之所慎：齐，战，疾。
- 7.14 子在齐闻《韶》，三月不知肉味。曰：“不图为乐之至于斯也！”
- 7.15 冉有曰：“夫子为卫君乎？”子贡曰：“诺。吾将问之。”入，曰：“伯夷、叔齐何人也？”曰：“古之贤人也。”曰：“怨乎？”曰：“求仁而得仁，又何怨！”出，曰：“夫子不为也。”

- 7.16 子曰：“饭疏食、饮水，曲肱而枕之，乐亦在其中矣！不义而富且贵，于我如浮云。”
- 7.17 子曰：“加我数年，五十以学《易》，可以无大过矣。”
- 7.18 子所雅言，《诗》、《书》、执礼，皆雅言也。
- 7.19 叶公问孔子于子路，子路不对。子曰：“女奚不曰：‘其为人也，发愤忘食，乐以忘忧，不知老之将至云尔。’”
- 7.20 子曰：“我非生而知之者，好古，敏以求之者也。”
- 7.21 子不语“怪、力、乱、神”。
- 7.22 子曰：“三人行，必有我师焉。择其善者而从之，其不善者而改之。”
- 7.23 子曰：“天生德于予，桓魋其如予何？”
- 7.24 子曰：“二三子以我为隐乎？吾无隐乎尔。吾无行而不与二三子者，是丘也。”
- 7.25 子以四教：文，行，忠，信。
- 7.26 子曰：“圣人，吾不得而见之矣；得见君子者，斯可矣。”子曰：“善人，吾不得而见之矣；得见有恒者，斯可矣。亡而为有，虚而为盈，约而为泰，难乎有恒矣。”
- 7.27 子钓而不纲，弋不射宿。
- 7.28 子曰：“盖有不知而作之者，我无是也。多闻，择其善者而从之；多见而识之，知之次也。”
- 7.29 互乡难与言，童子见，门人惑。子曰：“与其进也，不与其退也，唯何甚！人洁己以进，与其洁也，不保其往也。”
- 7.30 子曰：“仁远乎哉？我欲仁，斯仁至矣。”

7.31 陈司败问：“昭公知礼乎？”孔子曰：“知礼。”孔子退，揖巫马期而进之，曰：“吾闻君子不党，君子亦党乎？君取于吴，为同姓，谓之吴孟子。君而知礼，孰不知礼？”巫马期以告。子曰：“丘也幸，苟有过，人必知之。”

7.32 子与人歌而善，必使反之，而后和之。

7.33 子曰：“文，莫吾犹人也。躬行君子，则吾未之有得。”

7.34 子曰：“若圣与仁，则吾岂敢！抑为之不厌，诲人不倦，则可谓云尔已矣！”公西华曰：“正唯弟子不能学也！”

7.35 子疾病，子路请祷。子曰：“有诸？”子路对曰：“有之。《诔》曰：‘祷尔于上下神祇。’”子曰：“丘之祷久矣。”

7.36 子曰：“奢则不孙，俭则固。与其不孙也，宁固。”

7.37 子曰：“君子坦荡荡，小人长戚戚。”

7.38 子温而厉，威而不猛，恭而安。

论语·泰伯篇第八

8.1 子曰：“泰伯，其可谓至德也已矣！三以天下让，民无得而称焉。”

8.2 子曰：“恭而无礼则劳，慎而无礼则蒞，勇而无礼则乱，直而无礼则绞。君子笃于亲，则民兴于仁；故旧不遗，则民不偷。”

8.3 曾子有疾，召门弟子曰：“启予足，启予手。《诗》云：‘战战兢兢，如临深渊，如履薄冰。’而今而后，吾知免夫，小子！”

8.4 曾子有疾，孟敬子问之。曾子言曰：“鸟之将死，其鸣也哀；人之将死，其言也善。君子所贵乎道者三：动容貌，斯远暴慢矣；正颜色，斯近信矣；出辞气，斯远鄙倍矣。笾豆之事，则有司存。”

8.5 曾子曰：“以能问于不能；以多问于寡；有若无，实若虚，犯而不校，昔者吾友尝从事于斯矣。”

8.6 曾子曰：“可以托六尺之孤，可以寄百里之命，临大节而不可夺也，君子人欤？君子人也。”

8.7 曾子曰：“士不可以不弘毅，任重而道远。仁以为己任，不亦重乎？死而后已，不亦远乎？”

8.8 子曰：“兴于《诗》，立于礼，成于乐。”

8.9 子曰：“民可使由之，不可使知之。”

8.10 子曰：“好勇疾贫，乱也。人而不仁，疾之已甚，乱也。”

8.11 子曰：“如有周公之才之美，使骄且吝，其余不足观也已。”

8.12 子曰：“三年学，不至于谷，不易得也。”

8.13 子曰：“笃信好学，守死善道。危邦不入，乱邦不居。天下有道则见，无道则隐。邦有道，贫且贱焉，耻也。邦无道，富且贵焉，耻也。”

- 8.14 子曰：“不在其位，不谋其政。”
- 8.15 子曰：“师挚之始，《关雎》之乱，洋洋乎盈耳哉！”
- 8.16 子曰：“狂而不直，侗而不愿，忞忞而不信，吾不知之矣。”
- 8.17 子曰：“学如不及，犹恐失之。”
- 8.18 子曰：“巍巍乎！舜、禹之有天下也，而不与焉。”
- 8.19 子曰：“大哉！尧之为君也！巍巍乎！唯天为大，唯尧则之。荡荡乎！民无能名焉。巍巍乎！其有成功也。焕乎！其有文章。”
- 8.20 舜有臣五人而天下治。武王曰：“予有乱臣十人。”孔子曰：“才难，不其然乎？唐、虞之际，于斯为盛。有妇人焉，九人而已。三分天下有其二，以服事殷。周之德，其可谓至德也已矣。”
- 8.21 子曰：“禹，吾无间然矣。菲饮食，而致孝乎鬼神；恶衣服，而致美乎黼冕；卑宫室，而尽力乎沟洫。禹，吾无间然矣。”

论语·子罕篇第九

9.1 子罕言利与命与仁。

9.2 达巷党人曰：“大哉孔子！博学而无所成名。”子闻之，谓门弟子曰：“吾何执？执御乎？执射乎？吾执御矣。”

9.3 子曰：“麻冕，礼也；今也纯，俭，吾从众。拜下，礼也；今拜乎上，泰也。虽违众，吾从下。”

9.4 子绝四：毋意，毋必，毋固，毋我。

9.5 子畏于匡。曰：“文王既没，文不在兹乎？天之将丧斯文也，后死者不得与于斯文也；天之未丧斯文也，匡人其如予何？”

9.6 太宰问于子贡曰：“夫子圣者欤，何其多能也？”子贡曰：“固天纵之将圣，又多能也。”子闻之，曰：“太宰知我乎！吾少也贱，故多能鄙

事。君子多乎哉？不多也。”

9.7 牢曰：“子云：‘吾不试，故艺。’”

9.8 子曰：“吾有知乎哉？无知也。有鄙夫问于我，空空如也；我叩其两端而竭焉。”

9.9 子曰：“凤鸟不至，河不出图，吾已矣夫！”

9.10 子见齐衰者、冕衣裳者与瞽者，见之，虽少，必作；过之‘必趋。

9.11 颜渊喟然叹曰：“仰之弥高，钻之弥坚。瞻之在前，忽焉在后。夫子循循然善诱人，博我以文，约我以礼，欲罢不能。既竭吾才，如有所立卓尔，虽欲从之，末由也已！”

9.12 子疾病，子路使门人为臣。病间，曰：“久矣哉，由之行诈也！无臣而为有臣，吾谁欺？欺天乎？且予与其死于臣之手也，无宁死于二三子之手乎！且予纵不得大葬，予死于道路乎？”

9.13 子贡曰：“有美玉于斯，韞椟而藏诸？求善贾而沽诸？”子曰：“沽之哉！沽之哉！我待贾者也！”

9.14 子欲居九夷。或曰：“陋，如之何！”子曰：“君子居之，何陋之有？”

9.15 子曰：“吾自卫反鲁，然后乐正，《雅》、《颂》各得其所。”

9.16 子曰：“出则事公卿，入则事父兄，丧事不敢不勉，不为酒困，何有于我哉！”

9.17 子在川上曰：“逝者如斯夫！不舍昼夜。”

9.18 子曰：“吾未见好德如好色者也。”

9.19 子曰：“譬如为山，未成一簣，止，吾止也！譬如平地，虽覆一簣，进，吾往也！”

9.20 子曰：“语之而不惰者，其回也软！”

9.21 子谓颜渊，曰：“惜乎！吾见其进也，未见其止也。”

9.22 子曰：“苗而不秀者有矣夫！秀而不实者有矣夫！”

9.23 子曰：“后生可畏，焉知来者之不如今也？四十、五十而无闻焉，斯亦不足畏也已！”

9.24 子曰：“法语之言，能无从乎？改之为贵。巽与之言，能无说乎？绎之为贵。说而不绎，从而不改，吾末如之何也已矣！”

9.25 子曰：“主忠信。毋友不如己者，过，则勿惮改。”

9.26 子曰：“三军可夺帅也，匹夫不可夺志也。”

9.27 子曰：“衣敝缁袍，与衣狐貉者立，而不耻者，其由也与！‘不佞不求，何用不臧？’”子路终身诵之。子曰：“是道也，何足以臧？”

9.28 子曰：“岁寒，然后知松柏之后凋也。”

9.29 子曰：“知者不惑，仁者不忧，勇者不惧。”

9.30 子曰：“可与共学，未可与适道；可与适道，未可与立；可与立，未可与权。”

9.31 “唐棣之华，偏其反而。岂不尔思？室是远尔。”子曰：“未之思也，夫何远之有？”

论语·乡党篇第十

10.1 孔子于乡党，恂恂如也，似不能言者。其在宗庙、朝廷，便便言，唯谨尔。

10.2 朝，与下大夫言，侃侃如也；与上大夫言，誾誾如也。君在，踧踖如也，与与如也。

10.3 君召使摈，色勃如也，足躩如也。揖所与立，左右手，衣前后，襜如也。趋进，翼如也。宾退，必复命，曰：“宾不顾矣。”

10.4 入公门，鞠躬如也，如不容。立不中门，行不履闑。过位，色勃如也，足躩如也，其言似不足者。摄齐、升堂，鞠躬如也，屏气似不息者。出，降一等，逞颜色，怡怡如也；没阶，趋进，翼如也。复其位，踧、踖、如也。

10.5 执圭，鞠躬如也，如不胜。上如揖，下如授。勃如战色，足蹶、蹶如有循。享礼，有容色。私觐，愉愉如也。

10.6 君子不以绀緇饰，红紫不以为褻服。当暑，袗絺绤，必表而出之。缁衣，羔裘；素衣，麕裘；黄衣，狐裘。裘裘长，短右袂。必有寝衣，长一身有半。狐貉之厚以居。去丧，无所不佩。非帷裳，必杀之。羔裘玄冠，不以吊。吉月，必朝服而朝。

10.7 齐，必有明衣，布。齐必变食，居必迁坐。

10.8 食不厌精，脍不厌细。食饔而餲，鱼馁而肉败，不食。色恶，不食。臭恶，不食。失饪，不食。不时，不食。割不正，不食。不得其酱，不食。肉虽多，不使胜食气。唯酒无量，不及乱。沽酒，市脯，不食。不撤姜食，不多食。

- 10.9 祭于公，不宿肉。祭肉不出三日，出三日，不食之矣。
- 10.10 食不语，寝不言。
- 10.11 虽疏食、菜羹、瓜，祭，必齐如也。
- 10.12 席不正，不坐。
- 10.13 乡人饮酒，杖者出，斯出矣。
- 10.14 乡人雉，朝服而立于阼阶。
- 10.15 问人于他邦，再拜而送之。
- 10.16 康子馈药，拜而受之。曰：“丘未达，不敢尝。”
- 10.17 厩焚。子退朝，曰：“伤人乎？”不问马。
- 10.18 君赐食，必正席先尝之；君赐腥，必熟而荐之；君赐生，必畜之。侍食于君，君祭，先饭。
- 10.19 疾，君视之，东首，加朝服，拖绅。
- 10.20 君命召，不俟驾行矣。
- 10.21 入太庙，每事问。
- 10.22 朋友死，无所归。曰：“于我殡。”
- 10.23 朋友之馈，虽车马，非祭肉，不拜。
- 10.24 寝不尸，居不客。
- 10.25 见齐衰者，虽狎，必变。见冕者与瞽者，虽褻，必以貌。凶服者式之。式负版者。有盛馔，必变色而作。迅雷风烈，必变。
- 10.26 升车，必正立，执绥。车中不内顾，不疾言，不亲指。
- 10.27 色斯举矣，翔而后集。曰：“山梁雌雉，时哉！时哉！”子路共之，三嗅而作。

论语·先进篇第十一

11.1 子曰：“先进于礼乐，野人也；后进于礼乐，君子也。如用之，则吾从先进。”

11.2 子曰：“从我于陈、蔡者，皆不及门也。”

11.3 德行：颜渊，闵子骞，冉伯牛，仲弓；言语：宰我，子贡；政事：冉有，季路；文学：子游，子夏。

11.4 子曰：“回也非助我者也！于吾言无所不说。”

11.5 子曰：“孝哉闵子骞！人不间于其父母昆弟之言。”

11.6 南容三复白圭，孔子以其兄之子妻之。

11.7 季康子问：“弟子孰为好学？”孔子对曰：“有颜回者好学，不幸短命死矣！今也则亡。”

11.8 颜渊死，颜路请子之车以为之椁。子曰：“才不才，亦各言其子也。鲤也死，有棺而无椁。吾不徒行以为之椁，以吾从大夫之后，不可徒行也。”

11.9 颜渊死。子曰：“噫！天丧予！天丧予！”

11.10 颜渊死，子哭之恸。从者曰：“子恸矣。”曰：“有恸乎？非夫人之为恸而谁为！”

11.11 颜渊死，门人欲厚葬之，子曰：“不可。”门人厚葬之。子曰：“回也视予犹父也，予不得视犹子也。非我也，夫二三子也。”

11.12 季路问事鬼神。子曰：“未能事人，焉能事鬼？”曰：“敢问死。”曰：“未知生，焉知死？”

11.13 闵子侍侧，闾闾如也；子路，行行如也；冉有、子贡，侃侃如也。子乐。“若由也，不得其死然。”

11.14 鲁人为长府。闵子骞曰：“仍旧贯，如之何？何必改作？”子曰：“夫人不言，言必有中。”

11.15 子曰：“由之瑟奚为于丘之门？”门人不敬子路。子曰：“由也升堂矣！未入于室也。”

11.16 子贡问：“师与商也孰贤？”子曰：“师也过，商也不及。”曰：“然则师愈与？”子曰：“过犹不及。”

11.17 季氏富于周公，而求也为之聚敛而附益之。子曰：“非吾徒也。小子鸣鼓而攻之可也！”

11.18 柴也愚，参也鲁，师也辟，由也喭。

11.19 子曰：“回也其庶乎，屡空。赐不受命，而货殖焉，亿则屡中。”

11.20 子张问善人之道。子曰：“不践迹，亦不入于室。”

11.21 子曰：“论笃是与，君子者乎？色庄者乎？”

11.22 子路问：“闻斯行诸？”子曰：“有父兄在，如之何其闻斯行之？”冉有问：“闻斯行诸？”子曰：“闻斯行之！”公西华曰：“由也问‘闻斯行诸’，子曰‘有父兄在。’；求也问‘闻斯行诸’，子曰‘闻斯行之！’。赤也惑，敢问。”子曰：“求也退，故进之；由也兼人，故退之。”

11.23 子畏于匡，颜渊后。子曰：“吾以女为死矣。”曰：“子在，回何敢死！”

11.24 季子然问：“仲由、冉求可谓大臣欤？”子曰：“吾以子为异之问，曾由与求之问。所谓大臣者，以道事君，不可则止。今由与求也，可谓具臣矣。”曰：“然则从之者欤？”子曰：“弑父与君，亦不从也。”

11.25 子路使子羔为费宰。子曰：“贼夫人之子。”子路曰：“有民人焉，有社稷焉。何必读书，然后为学？”子曰：“是故恶夫佞者。”

11.26 子路、曾皙、冉有、公西华侍坐。子曰：“以吾一日长乎尔，毋吾以也。居则曰‘不吾知也！’如或知尔，则何以哉？”子路率尔而对曰：“千乘之国，摄乎大国之间，加之以师旅，因之以饥馑；由也为之，比及三年，可使有勇，且知方也。”夫子哂之。“求，尔何如？”对曰：“方六七十，如五六十，求也为之，比（bì）及三年，可使足民。如其礼乐，以俟君子。”“赤，尔何如？”对曰：“非曰能之，愿学焉！宗庙之事，如会同，端章甫，愿为小相焉。”“点，尔何如？”鼓瑟希，铿尔，舍瑟而作。对曰：“异乎三子者之撰！”子曰：“何伤乎？亦各言其志也。”曰：“莫春者，春服既成，冠者五六人，童子六七人，浴乎沂，风乎舞雩，咏而归。”夫子喟然叹曰：“吾与点也！”三子者出，曾皙后。曾皙曰：“夫三子者之言何如？”子曰：“亦各言其志也已矣。”曰：“夫子何哂由也？”曰：“为国以礼，其言不让，是故哂之。”“唯求则非邦也欤？”“安见方六七十如五六十而非邦也者？”“唯赤则非邦也欤？”“宗庙会同，非诸侯而何？赤也为之小，孰能为之大？”

论语·颜渊篇第十二

12.1 颜渊问仁。子曰：“克己复礼为仁。一日克己复礼，天下归仁焉。为仁由己，而由人乎哉？”颜渊曰：“请问其目。”子曰：“非礼勿视，非礼勿听，非礼勿言，非礼勿动。”颜渊曰：“回虽不敏，请事斯语矣！”

12.2 仲弓问仁。子曰：“出门如见大宾，使民如承大祭。己所不欲，勿施于人。在邦无怨，在家无怨。”仲弓曰：“雍虽不敏，请事斯语矣！”

12.3 司马牛问仁。子曰：“仁者，其言也切。”曰：“其言也切，斯谓之仁已乎？”子曰：“为之难，言之得无切乎？”

12.4 司马牛问君子。子曰：“君子不忧不惧。”曰：“不忧不惧，斯谓之君子已乎？”子曰：“内省不疚，夫何忧何惧？”

12.5 司马牛忧曰：“人皆有兄弟，我独亡！”子夏曰：“商闻之矣：死生有命，富贵在天。君子敬而无失，与人恭而有礼，四海之内皆兄弟也。君子何患乎无兄弟也？”

12.6 子张问明。子曰：“浸润之谮，肤受之愬，不行焉，可谓明也已矣。浸润之谮，肤受之愬，不行焉，可谓远也已矣。”

12.7 子贡问政。子曰：“足食，足兵，民信之矣。”子贡曰：“必不得已而去，于斯三者何先？”曰：“去兵。”子贡曰：“必不得已而去，于斯二者何先？”曰：“去食。自古皆有死，民无信不立。”

12.8 棘子成曰：“君子质而已矣，何以文为？”子贡曰：“惜乎！夫子之说君子也。驷不及舌。文犹质也，质犹文也。虎豹之鞞犹犬羊之鞞。”

12.9 哀公问于有若曰：“年饥，用不足，如之何？”有若对曰：“盍彻乎？”曰：“二，吾犹不足，如之何其彻也？”对曰：“百姓足，君孰与不足？百姓不足，君孰与足？”

12.10 子张问崇德、辨惑，子曰：“主忠信，徙义，崇德也。爱之欲其生，恶之欲其死；既欲其生，又欲其死，是惑也。‘诚不以富，亦祇以异。’”

12.11 齐景公问政于孔子，孔子对曰：“君君，臣臣，父父，子子。”公曰：“善哉！信如君不君、臣不臣、父不父、子不子，虽有粟，吾得而食诸？”

12.12 子曰：“片言可以折狱者，其由也欤？”子路无宿诺。

12.13 子曰：“听讼，吾犹人也。必也使无讼乎。”

12.14 子张问政，子曰：“居之无倦，行之以忠。”

12.15 子曰：“博学于文，约之以礼，亦可以弗畔矣夫！”

12.16 子曰：“君子成人之美，不成人之恶；小人反是。”

12.17 季康子问政于孔子。孔子对曰：“政者，正也。子帅以正，孰敢不正？”

12.18 季康子患盗，问于孔子。孔子对曰：“苟子之不欲，虽赏之不窃。”

12.19 季康子问政于孔子曰：“如杀无道，以就有道，何如？”孔子对曰：“子为政，焉用杀？子欲善而民善矣！君子之德，风；小人之德，草。草上之风，必偃。”

12.20 子张问：“士何如斯可谓之达矣？”子曰：“何哉尔所谓达者？”子张对曰：“在邦必闻，在家必闻。”子曰：“是闻也，非达也。夫达

也者，质直而好义，察言而观色，虑以下人。在邦必达，在家必达。夫闻也者，色取仁而行违，居之不疑。在邦必闻，在家必闻。”

12.21 樊迟从游于舞雩之下，曰：“敢问崇德、修慝、辨惑。”子曰：“善哉问！先事后得，非崇德欤？攻其恶，无攻人之恶，非修慝欤？一朝之忿，忘其身，以及其亲，非惑欤？”

12.22 樊迟问仁。子曰：“爱人。”问知。子曰：“知人。”樊迟未达。子曰：“举直错诸枉，能使枉者直。”樊迟退，见子夏，曰：“乡也吾见于夫子而问知，子曰：‘举直错诸枉，能使枉者直。’何谓也？”子夏曰：“富哉言乎！舜有天下，选于众，举皋陶，不仁者远矣。汤有天下，选于众，举伊尹，不仁者远矣。”

12.23 子贡问友。子曰：“忠告而善道之，不可则止，毋自辱焉。”

12.24 曾子曰：“君子以文会友，以友辅仁。”

论语·子路篇第十三

- 13.1 子路问政。子曰：“先之，劳之。”请益，曰：“无倦。”
- 13.2 仲弓为季氏宰，问政。子曰：“先有司，赦小过，举贤才。”曰：“焉知贤才而举之？”曰：“举尔所知。尔所不知，人其舍诸？”
- 13.3 子路曰：“卫君待子而为政，子将奚先？”子曰：“必也正名乎！”子路曰：“有是哉，子之迂也！奚其正？”子曰：“野哉，由也！君子于其所不知，盖阙如也。名不正，则言不顺；言不顺，则事不成；事不成，则礼乐不兴；礼乐不兴，则刑罚不中；刑罚不中，则民无所措手足。故君子名之必可言也，言之必可行也。君子于其言，无所苟而已矣！”
- 13.4 樊迟请学稼。子曰：“吾不如老农。”请学为圃。曰：“吾不如老圃。”樊迟出。子曰：“小人哉，樊须也！上好礼，则民莫敢不敬；上好义，则民莫敢不服；上好信，则民莫敢不用情。夫如是，则四方之民襁负其子而至矣，焉用稼？”
- 13.5 子曰：“诵《诗》三百，授之以政，不达；使于四方，不能专对；虽多，亦奚以为？”
- 13.6 子曰：“其身正，不令而行；其身不正，虽令不从。”
- 13.7 子曰：“鲁卫之政，兄弟也。”
- 13.8 子谓卫公子荆：“善居室。始有，曰：‘苟合矣！’少有，曰：‘苟完矣。’富有，曰：‘苟美矣。’”
- 13.9 子适卫，冉有仆。子曰：“庶矣哉！”冉有曰：“既庶矣，又何加焉？”曰：“富之。”曰：“既富矣，又何加焉？”曰：“教之。”
- 13.10 子曰：“苟有用我者，期月而已可也，三年有成。”

13.11 子曰：“‘善人为邦百年，亦可以胜残去杀矣。’诚哉是言也！”

13.12 子曰：“如有王者，必世而后仁。”

13.13 子曰：“苟正其身矣，于从政乎何有？不能正其身，如正人何！”

13.14 冉子退朝。子曰：“何晏也？”对曰：“有政。”子曰：“其事也。如有政，虽不吾以，吾其与闻之。”

13.15 定公问：“一言而可以兴邦，有诸？”孔子对曰：“言不可以若是其几也。人之言曰：‘为君难，为臣不易。’如知为君之难也，不几乎一言而兴邦乎！”曰：“一言而丧邦，有诸？”孔子对曰：“言不可以若是其几也。人之言曰：‘予无乐乎为君，唯其言而莫予违也。’如其善而莫之违也，不亦善乎！如不善而莫之违也，不几乎一言而丧邦乎！”

13.16 叶公问政。子曰：“近者说，远者来。”

13.17 子夏为莒父宰，问政。子曰：“无欲速，无见小利。欲速则不达，见小利，则大事不成。”

13.18 叶公语孔子曰：“吾党有直躬者，其父攘羊，而子证之。”孔子曰：“吾党之直者异于是。父为子隐，子为父隐，直在其中矣。”

13.19 樊迟问仁。子曰：“居处恭，执事敬，与人忠；虽之夷狄，不可弃也。”

13.20 子贡问曰：“何如斯可谓之士矣？”子曰：“行己有耻，使于四方，不辱君命，可谓士矣。”曰：“敢问其次。”曰：“宗族称孝焉，乡党称弟焉。”曰：“敢问其次。”曰：“言必信，行必果，硜硜然小人哉！抑亦可以为次矣。”曰：“今之从政者何如？”子曰：“噫！斗筲之人，何足算也！”

13.21 子曰：“不得中行而与之，必也狂狷乎！狂者进取，狷者有所不为也。”

13.22 子曰：“南人有言曰：‘人而无恒，不可以作巫医。’善夫！”
“不恒其德，或承之羞。”子曰：“不占而已矣。”

13.23 子曰：“君子和而不同，小人同而不和。”

13.24 子贡问曰：“乡人皆好之，何如？”子曰：“未可也。”“乡人皆恶之，何如？”子曰：“未可也。不如乡人之善者好之，其不善者恶之。”

13.25 子曰：“君子易事而难说也。说之不以道，不说也；及其使人也，器之。小人难事而易说也。说之虽不以道，说也；及其使人也，求备焉。”

13.26 子曰：“君子泰而不骄，小人骄而不泰。”

13.27 子曰：“刚、毅、木、讷近仁。”

13.28 子路问曰：“何如斯可谓之士矣？”子曰：“切切偲偲，怡怡如也，可谓士矣。朋友切切偲偲，兄弟怡怡。”

13.29 子曰：“善人教民七年，亦可以即戎矣。”

13.30 子曰：“以不教民战，是谓弃之。”

论语·宪问篇第十四

- 14.1 宪问耻。子曰：“邦有道，谷；邦无道，谷，耻也。”
- 14.2 “克、伐、怨、欲不行焉，可以为仁矣？”子曰：“可以为难矣，仁则吾不知也。”
- 14.3 子曰：“士而怀居，不足以为士矣！”
- 14.4 子曰：“邦有道，危言危行；邦无道，危行言孙。”
- 14.5 子曰：“有德者必有言，有言者不必有德；仁者必有勇，勇者不必有仁。”
- 14.6 南宫适问于孔子曰：“羿善射，奭荡舟，俱不得其死然。禹、稷躬稼而有天下。”夫子不答。南宫适出。子曰：“君子哉若人！尚德哉若人！”
- 14.7 子曰：“君子而不仁者有矣夫，未有小人而仁者也。”
- 14.8 子曰：“爱之，能勿劳乎？忠焉，能勿诲乎？”
- 14.9 子曰：“为命，裨谌草创之，世叔讨论之，行人子羽修饰之，东里子产润色之。”
- 14.10 或问子产。子曰：“惠人也。”问子西。曰：“彼哉！彼哉！”问管仲。曰：“人也。夺伯氏骈邑三百，饭疏食，没齿无怨言。”
- 14.11 子曰：“贫而无怨难，富而无骄易。”
- 14.12 子曰：“孟公绰为赵、魏老则优，不可以为滕、薛大夫。”
- 14.13 子路问成人。子曰：“若臧武仲之知，公绰之不欲，卞庄子之勇，冉求之艺，文之以礼乐，亦可以为成人矣。”曰：“今之成人者何必然？见利思义，见危授命，久要，约不忘平生之言，亦可以为成人矣。”

14.14 子问公叔文子于公明贾曰：“信乎？夫子不言、不笑、不取乎？”

公明贾对曰：“以告者过也。夫子时然后言，人不厌其言；乐然后笑，人不厌其笑；义然后取，人不厌其取。”子曰：“其然，岂其然乎？”

14.15 子曰：“臧武仲以防求为后于鲁，虽曰不要君，吾不信也。”

14.16 子曰：“晋文公谲而不正，齐桓公正而不谲。”

14.17 子路曰：“桓公杀公子纠，召忽死之，管仲不死。”曰：“未仁乎？”子曰：“桓公九合诸侯，不以兵车，管仲之力也。如其仁！如其仁！”

14.18 子贡曰：“管仲非仁者欤？桓公杀公子纠，不能死，又相之。”

子曰：“管仲相桓公，霸诸侯，一匡天下，民到于今受其赐。微管仲，吾其被发左衽矣！岂若匹夫匹妇之为谅也，自经于沟渎而莫之知也。”

14.19 公叔文子之臣大夫僎与文子同升诸公。子闻之，曰：“可以为‘文’矣。”

14.20 子言卫灵公之无道也。康子曰：“夫如是，奚而不丧？”孔子曰：

“仲叔圉治宾客，祝鮀治宗庙，王孙贾治军旅。夫如是，奚其丧？”

14.21 子曰：“其言之不怍，则为之也难！”

14.22 陈成子弑简公。孔子沐浴而朝，告于哀公曰：“陈恒弑其君，请讨之。”公曰：“告夫三子！”，孔子曰：“以吾从大夫之后，不敢不告也。君曰‘告夫三子’者。”之三子告，不可。孔子曰：“以吾从大夫之后，不敢不告也。”

14.23 子路问事君。子曰：“勿欺也，而犯之。”

14.24 子曰：“君子上达，小人下达。”

- 14.25 子曰：“古之学者为己，今之学者为人。”
- 14.26 蘧伯玉使人于孔子。孔子与之坐而问焉，曰：“夫子何为？”对曰：“夫子欲寡其过而未能也。”使者出。子曰：“使乎！使乎！”
- 14.27 子曰：“不在其位，不谋其政。”
- 14.28 曾子曰：“君子思不出其位。”
- 14.29 子曰：“君子耻其言而过其行。”
- 14.30 子曰：“君子道者三，我无能焉：仁者不忧，知者不惑，勇者不惧。”子贡曰：“夫子自道也。”
- 14.31 子贡方人。子曰：“赐也贤乎哉！夫我则不暇。”
- 14.32 子曰：“不患人之不己知，患其不能也。”
- 14.33 子曰：“不逆诈，不亿不信，抑亦先觉者，是贤乎！”
- 14.34 微生亩谓孔子曰：“丘何为是栖栖者欤？无乃为佞乎？”孔子曰：“非敢为佞也，疾固也。”
- 14.35 曰：“骥不称其力，称其德也。”
- 14.36 或曰：“以德报怨，何如？”子曰：“何以报德？以直报怨，以德报德。”
- 14.37 子曰：“莫我知也夫！”子贡曰：“何为其莫知子也？”子曰：“不怨天，不尤人，下学而上达。知我者其天乎！”
- 14.38 公伯寮愬子路于季孙。子服景伯以告，曰：“夫子固有惑志于公伯寮，吾力犹能肆诸市朝。”子曰：“道之将行也欤，命也。道之将废也欤，命也。公伯寮其如命何！”
- 14.39 子曰：“贤者辟世，其次辟地，其次辟色，其次辟言。”

14.40 子曰：“作者七人矣。”

14.41 子路宿于石门。晨门曰：“奚自？”子路曰：“自孔氏。”曰：“是知其不可而为之者欤？”

14.42 子击磬于卫。有荷蕢而过孔氏之门者，曰：“有心哉！击磬乎！”既而曰：“鄙哉！硜硜乎！莫己知也，斯己而已矣。深则厉，浅则揭。”子曰：“果哉！末之难矣。”

14.43 子张曰：“《书》云，‘高宗谅阴，三年不言。’何谓也？”子曰：“何必高宗？古之人皆然。君薨，百官总己以听于冢宰三年。”

14.44 子曰：“上好礼，则民易使也。”

14.45 子路问君子。子曰：“修己以敬。”曰：“如斯而已乎？”曰：“修己以安人。”曰：“如斯而已乎？”曰：“修己以安百姓。修己以安百姓，尧、舜其犹病诸！”

14.46 原壤夷俟。子曰：“幼而不孙弟，长而无述焉，老而不死，是为贼！”以杖叩其胫。

14.47 阙党童子将命。或问之曰：“益者欤？”子曰：“吾见其居于位也，见其与先生并行也。非求益者也，欲速成者也。”

论语·卫灵公篇第十五

15.1 卫灵公问陈于孔子。孔子对曰：“俎豆之事，则尝闻之矣；军旅之事，未之学也。”明日遂行。

15.2 在陈绝粮，从者病，莫能兴。子路愠见曰：“君子亦有穷乎？”子曰：“君子固穷，小人穷斯滥矣。”

15.3 子曰：“赐也，女以予为多学而识之者欤？”对曰：“然。非欤？”曰：“非也。予一以贯之。”

15.4 子曰：“由！知德者鲜矣。”

15.5 子曰：“无为而治者，其舜也欤！夫何为哉？恭己正南面而已矣。”

15.6 子张问行。子曰：“言忠信，行笃敬，虽蛮貊之邦行矣。言不忠信，行不笃敬，虽州里行乎哉？立，则见其参于前也；在舆，则见其倚于衡也。夫然后行。”子张书诸绅。

15.7 子曰：“直哉史鱼！邦有道，如矢；邦无道，如矢。君子哉蘧伯玉！邦有道，则仕；邦无道，则可卷而怀之。”

15.8 子曰：“可与言而不与言，失人；不可与言而与之言，失言。知者不失人亦不失言。”

15.9 子曰：“志士仁人，无求生以害仁，有杀身以成仁。”

15.10 子贡问为仁。子曰：“工欲善其事，必先利其器。居是邦也，事其大夫之贤者，友其士之仁者。”

15.11 颜渊问为邦。子曰：“行夏之时，乘殷之辂，服周之冕，乐则《韶》《舞》。放郑声，远佞人。郑声淫，佞人殆。”

15.12 子曰：“人无远虑，必有近忧。”

- 15.13 子曰：“已矣乎！吾未见好德如好色者也。”
- 15.14 子曰：“臧文仲其窃位者欤？知柳下惠之贤，而不与立也。”
- 15.15 子曰：“躬自厚而薄责于人，则远怨矣！”
- 15.16 子曰：“不曰‘如之何、如之何’者，吾未如之何也已矣。”
- 15.17 子曰：“群居终日，言不及义，好行小慧，难矣哉！”
- 15.18 子曰：“君子义以为质，礼以行之，孙以出之，信以成之。君子哉！”
- 15.19 子曰：“君子病无能焉，不病人之不己知也。”
- 15.20 子曰：“君子疾没世而名不称焉。”
- 15.21 子曰：“君子求诸己，小人求诸人。”
- 15.22 子曰：“君子矜而不争，群而不党。”
- 15.23 子曰：“君子不以言举人，不以人废言。”
- 15.24 子贡问曰：“有一言而可以终身行之者乎？”子曰：“其‘恕’乎！己所不欲，勿施于人。”
- 15.25 子曰：“吾之于人也，谁毁谁誉？如有所誉者，其有所试矣。斯民也，三代之所以直道而行也。”
- 15.26 子曰：“吾犹及史之阙文也。有马者借人乘之，今亡矣夫！”
- 15.27 子曰：“巧言乱德。小不忍，则乱大谋。”
- 15.28 子曰：“众恶之，必察焉；众好之，必察焉。”
- 15.29 子曰：“人能弘道，非道弘人。”
- 15.30 子曰：“过而不改，是谓过矣！”
- 15.31 子曰：“吾尝终日不食、终夜不寝，以思，无益，不如学也。”

15.32 子曰：“君子谋道不谋食。耕也，馁在其中矣；学也，禄在其中矣。君子忧道不忧贫。”

15.33 子曰：“知及之，仁不能守之，虽得之，必失之。知及之，仁能守之，不庄以莅之，则民不敬。知及之，仁能守之，庄以莅之，动之不以礼，未善也。”

15.34 子曰：“君子不可小知，而可大受也；小人不可大受，而可小知也。”

15.35 子曰：“民之于仁也，甚于水火。水火，吾见蹈而死者矣，未见蹈仁而死者也。”

15.36 子曰：“当仁，不让于师。”

15.37 子曰：“君子贞而不谅。”

15.38 子曰：“事君，敬其事而后其食。”

15.39 子曰：“有教无类。”

15.40 子曰：“道不同，不相为谋。”

15.41 子曰：“辞，达而已矣。”

15.42 师冕见，及阶，子曰：“阶也。”及席，子曰：“席也。”皆坐，子告之曰：“某在斯，某在斯。”师冕出。子张问曰：“与师言之道欤？”子曰：“然，固相师之道也。”

论语·季氏篇第十六

16.1 季氏将伐颛臾。冉有、季路见于孔子曰：“季氏将有事于颛臾。”孔子曰：“求，无乃尔是过欤？夫颛臾，昔者先王以为东蒙主，且在邦域之中矣，是社稷之臣也。何以伐为？”冉有曰：“夫子欲之，吾二臣者皆不欲也。”孔子曰：“求！周任有言曰：‘陈力就列，不能者止。’危而不持，颠而不扶，则将焉用彼相矣？且尔言过矣！虎兕出于柙，龟玉毁于椟中，是谁之过欤？”冉有曰：“今夫颛臾，固而近于费。今不取，后世必为子孙忧。”孔子曰：“求！君子疾夫舍曰‘欲之’而必为之辞。丘也闻有国有家者，不患寡而患不均，不患贫而患不安。盖均无贫，和无寡，安无倾。夫如是，故远人不服，则修文德以来之。既来之，则安之。今由与求也，相夫子，远人不服而不能来也，邦分崩离析而不能守也，而谋动干戈于邦内。吾恐季孙之忧，不在颛臾，而在萧墙之内也。”

16.2 孔子曰：“天下有道，则礼乐征伐自天子出；天下无道，则礼乐征伐自诸侯出。自诸侯出，盖十世希不失矣；自大夫出，五世希不失矣；陪臣执国命，三世希不失矣。天下有道，则政不在大夫。天下有道，则庶人不议。”

16.3 孔子曰：“禄之去公室五世矣，政逮于大夫四世矣，故夫三桓之子孙微矣。”

16.4 孔子曰：“益者三友，损者三友。友直、友谅、友多闻，益矣；友便辟、友善柔、友便佞，损矣。”

16.5 孔子曰：“益者三乐，损者三乐。乐节礼乐，乐道人之善、乐多贤友，益矣；乐骄乐，乐佚游，乐宴乐，损矣。”

16.6 孔子曰：“侍于君子有三愆：言未及之而言，谓之‘躁’；言及之而不言，谓之‘隐’；未见颜色而言，谓之‘瞽’。”

16.7 孔子曰：“君子有三戒：少之时，血气未定，戒之在色；及其壮也，血气方刚，戒之在斗；及其老也，血气既衰，戒之在得。”

16.8 孔子曰：“君子有三畏：畏天命，畏大人，畏圣人之言。小人不知天命而不畏也，狎大人，侮圣人之言。”

16.9 孔子曰：“生而知之者，上也；学而知之者，次也；困而学之，又其次也；困而不学，民斯为下矣！”

16.10 孔子曰：“君子有九思：视思明，听思聪，色思温，貌思恭，言思忠，事思敬，疑思问，忿思难，见得思义。”

16.11 孔子曰：“‘见善如不及，见不善如探汤。’吾见其人矣，吾闻其语矣。‘隐居以求其志，行义以达其道。’吾闻其语矣，未见其人也。”

16.12 齐景公有马千驷，死之日，民无德而称焉。伯夷、叔齐饿于首阳之下，民到于今称之。其斯之谓欤？”

16.13 陈亢问于伯鱼曰：“子亦有异闻乎？”对曰：“未也。尝独立，鲤趋而过庭。曰：‘学《诗》乎？’对曰：‘未也。’‘不学《诗》，无以言。’鲤退而学《诗》。他日，又独立，鲤趋而过庭。曰：‘学《礼》乎？’对曰：‘未也。’‘不学《礼》，无以立！’鲤退而学《礼》。闻斯二者。”陈亢退而喜曰：“问一得三：闻《诗》，闻《礼》，又闻君子之远其子也。”

16.14 邦君之妻，君称之曰“夫人”，夫人自称曰“小童”；邦人称之曰“君夫人”，称诸异邦曰“寡小君”；异邦人称之亦曰“君夫人”。

论语·阳货篇第十七

17.1 阳货欲见孔子，孔子不见，归孔子豚。孔子时其亡也，而往拜之。遇诸涂。谓孔子曰：“来！予与尔言。”曰：“怀其宝而迷其邦，可谓仁乎？”曰：“不可。好从事而亟失时，可谓知乎？”曰：“不可。日月逝矣，岁不我与。”孔子曰：“诺。吾将仕矣。”

17.2 子曰：“性相近也，习相远也。”

17.3 子曰：“唯上知与下愚不移。”

17.4 子之武城，闻弦歌之声。夫子莞尔而笑曰：“割鸡焉用牛刀？”子游对曰：“昔者，偃也闻诸夫子曰：‘君子学道则爱人，小人学道则易使也。’”子曰：“二三子！偃之言是也。前言戏之耳！”

17.5 公山弗扰以费畔，召，子欲往。子路不说，曰：“未之也己，何必公山氏之之也？”子曰：“夫召我者，而岂徒哉？如有用我者，吾其为东周乎！”

17.6 子张问仁于孔子。孔子曰：“能行五者于天下，为仁矣。”“请问之。”曰：“恭，宽，信，敏，惠。恭则不侮，宽则得众，信则人任焉，敏则有功，惠则足以使人。”

17.7 佛肸召，子欲往。子路曰：“昔者由也闻诸夫子曰：‘亲于其身为不善者，君子不入也。’佛肸以中牟畔，子之往也，如之何？”子曰：“然，有是言也。不曰坚乎，磨而不磷；不曰白乎，涅而不缁。吾岂匏瓜也哉？焉能系而不食？”

17.8 子曰：“由也，女闻六言六蔽矣乎？”对曰：“未也。”“居！吾语女。好仁不好学，其蔽也愚；好知不好学，其蔽也荡；好信不好学，

其蔽也贼；好直不好学，其蔽也绞；好勇不好学，其蔽也乱；好刚不好学，其蔽也狂。”

17.9 子曰：“小子何莫学夫《诗》？《诗》，可以兴，可以观，可以群，可以怨。迩之事父，远之事君。多识于鸟、兽、草、木之名。”

17.10 子谓伯鱼曰：“女为《周南》、《召南》矣乎？人而不为《周南》、《召南》，其犹正墙面而立也欤！”

17.11 子曰：“礼云礼云，玉帛云乎哉？乐云乐云，钟鼓云乎哉？”

17.12 子曰：“色厉而内荏，譬诸小人，其犹穿窬之盗也欤？”

17.13 子曰：“乡愿，德之贼也！”

17.14 子曰：“道听而涂说，德之弃也！”

17.15 子曰：“鄙夫可与事君也欤哉？其未得之也，患得之；既得之，患失之。苟患失之，无所不至矣。”

17.16 子曰：“古者民有三疾，今也或是之亡也。古之狂也肆，今之狂也荡；古之矜也廉，今之矜也忿戾；古之愚也直，今之愚也诈而已矣。”

17.17 子曰：“巧言令色，鲜矣仁。”

17.18 子曰：“恶紫之夺朱也，恶郑声之乱雅乐也，恶利口之覆邦家者。”

17.19 子曰：“予欲无言。”子贡曰：“子如不言，则小子何述焉？”

子曰：“天何言哉！四时行焉，百物生焉。天何言哉？”

17.20 孺悲欲见孔子，孔子辞以疾。将命者出户，取瑟而歌，使之闻之。

17.21 宰我问：“三年之丧，期已久矣！君子三年不为礼，礼必坏；三年不为乐，乐必崩。旧谷既没，新谷既升，钻燧改火，期可已矣。”子

曰：“食夫稻，衣夫锦，于女安乎？”曰：“安。”“女安，则为之！”

夫君子之居丧，食旨不甘，闻乐不乐，居处不安，故不为也。今女安，则为之！”宰我出。子曰：“予之不仁也！子生三年，然后免于父母之怀。夫三年之丧，天下之通丧也。予也有三年之爱于其父母乎？”

17.22 子曰：“饱食终日，无所用心，难矣哉！不有博弈者乎？为之犹贤乎已。”

17.23 子路曰：“君子尚勇乎？”子曰：“君子义以为上。君子有勇而无义为乱，小人有勇而无义为盗。”

17.24 子贡曰：“君子亦有恶乎？”子曰：“有恶。恶称人之恶者，恶居下流而讪上者，恶勇而无礼者，恶果敢而窒者。”曰：“赐也亦有恶乎？”“恶徼以为知者，恶不孙以为勇者，恶讦以为直者。”

17.25 子曰：“唯女子与小人为难养也！近之则不孙，远之则怨。”

17.26 子曰：“年四十而见恶焉，其终也已。”

论语·微子篇第十八

18.1 微子去之，箕子为之奴，比干谏而死。孔子曰：“殷有三仁焉。”

18.2 柳下惠为士师，三黜。人曰：“子未可以去乎？”曰：“直道而事人，焉往而不三黜？枉道而事人，何必去父母之邦？”

18.3 齐景公待孔子，曰：“若季氏，则吾不能，以季、孟之间待之。”曰：“吾老矣，不能用也。”孔子行。

18.4 齐人归女乐，季桓子受之，三日不朝。孔子行。

18.5 楚狂接舆歌而过孔子，曰：“凤兮！凤兮！何德之衰？往者不可谏，来者犹可追。已而！已而！今之从政者殆而！”孔子下，欲与之言。趋而辟之，不得与之言。

18.6 长沮、桀溺耦而耕。孔子过之，使子路问津焉。长沮曰：“夫执舆者为谁？”子路曰：“为孔丘。”曰：“是鲁孔丘欤？”曰：“是也。”曰：“是知津矣。”问于桀溺。桀溺曰：“子为谁？”曰：“为仲由。”曰：“是鲁孔丘之徒欤？”对曰：“然。”曰：“滔滔者天下皆是也，而谁以易之？且而与其从辟人之士也，岂若从辟世之士哉？”耰而不辍。子路行以告。夫子怃然曰：“鸟兽不可与同群，吾非斯人之徒与而谁与？天下有道，丘不与易也。”

18.7 子路从而后，遇丈人，以杖荷蓑。子路问曰：“子见夫子乎？”丈人曰：“四体不勤，五谷不分，孰为夫子？”植其杖而芸。子路拱而立。止子路宿，杀鸡为黍而食之，见其二子焉。明日，子路行，以告。子曰：“隐者也。”使子路反见之。至，则行矣。子路曰：“不仕无义。长幼

之节，不可废也；君臣之义，如之何其废之？欲洁其身，而乱大伦。君子之仕也，行其义也。道之不行，已知之矣。”

18.8 逸民：伯夷、叔齐、虞仲、夷逸、朱张、柳下惠、少连。子曰：“不降其志，不辱其身，伯夷、叔齐欤！”谓柳下惠、少连：“降志辱身矣，言中伦，行中虑，其斯而已矣。”谓虞仲、夷逸：“隐居放言，身中清，废中权。我则异于是，无可无不可。”

18.9 大师挚适齐，亚饭干适楚，三饭缭适蔡，四饭缺适秦，鼓方叔入于河，播鼗武入于汉，少师阳、击磬襄入于海。

18.10 周公谓鲁公曰：“君子不施其亲，不使大臣怨乎不以。故旧无大故，则不弃也。无求备于一人。”

18.11 周有八士：伯达、伯适、仲突、仲忽、叔夜、叔夏、季随、季騫。

论语·子张篇第十九

19.1 子张曰：“士见危致命，见得思义，祭思敬，丧思哀，其可已矣。”

19.2 子张曰：“执德不弘，信道不笃，焉能为有？焉能为亡？”

19.3 子夏之门人问交于子张。子张曰：“子夏云何？”对曰：“子夏曰：‘可者与之，其不可者拒之。’”子张曰：“异乎吾所闻，君子尊贤而容众，嘉善而矜不能。我之大贤欤，于人何所不容？我之不贤欤，人将拒我，如之何其拒人也？”

19.4 子夏曰：“虽小道，必有可观者焉。致远恐泥，是以君子不为也。”

19.5 子夏曰：“日知其所亡，月无忘其所能，可谓好学也已矣。”

19.6 子夏曰：“博学而笃志，切问而近思，仁在其中矣。”

19.7 子夏曰：“百工居肆以成其事，君子学以致其道。”

19.8 子夏曰：“小人之过也必文。”

19.9 子夏曰：“君子有三变：望之俨然，即之也温，听其言也厉。”

19.10 子夏曰：“君子信而后劳其民；未信，则以为厉己也。信而后谏；未信，则以为谤己也。”

19.11 子夏曰：“大德不逾闲，小德出入可也。”

19.12 子游曰：“子夏之门人小子，当洒扫、应对、进退，则可矣。抑末也，本之则无，如之何？”子夏闻之，曰：“噫！言游过矣！君子之道，孰先传焉？孰后倦焉？譬诸草木，区以别矣。君子之道，焉可诬也？有始有卒者，其惟圣人乎！”

19.13 子夏曰：“仕而优则学，学而优则仕。”

19.14 子游曰：“丧致乎哀而止。”

- 19.15 子游曰：“吾友张也，为难能也，然而未仁。”
- 19.16 曾子曰：“堂堂乎张也！难与并为仁矣。”
- 19.17 曾子曰：“吾闻诸夫子：‘人未有自致者也，必也亲丧乎！’”
- 19.18 曾子曰：“吾闻诸夫子：孟庄子之孝也，其他可能也，其不改父之臣与父之政，是难能也。”
- 19.19 孟氏使阳肤为士师。问于曾子，曾子曰：“上失其道，民散久矣。如得其情，则哀矜而勿喜。”
- 19.20 子贡曰：“纣之不善，不如是之甚也。是以君子恶居下流，天下之恶（è）皆归焉。”
- 19.21 子贡曰：“君子之过也，如日月之食焉：过也，人皆见之；更也，人皆仰之。”
- 19.22 卫公孙朝问于子贡曰：“仲尼焉学？”子贡曰：“文、武之道，未坠于地，在人。贤者识其大者，不贤者识其小者，莫不有文、武之道焉。夫子焉不学？而亦何常师之有？”
- 19.23 叔孙武叔语大夫于朝，曰：“子贡贤于仲尼。”子服景伯以告子贡。子贡曰：“譬之宫墙，赐之墙也及肩，窥见室家之好。夫子之墙数仞，不得其门而入，不见宗庙之美、百官之富。得其门者或寡矣。夫子之云，不亦宜乎！”
- 19.24 叔孙武叔毁仲尼。子贡曰：“无以为也！仲尼不可毁也。他人之贤者，丘陵也，犹可逾也；仲尼，日月也，无得而逾焉。人虽欲自绝，其何伤于日月乎？多见其不知量也。”

19.25 陈子禽谓子贡曰：“子为恭也，仲尼岂贤于子乎？”子贡曰：“君子一言以为知，一言以为不知，言不可不慎也。夫子之不可及也，犹天之不可阶而升也。夫子之得邦家者，所谓立之斯立，道之斯行，绥之斯来，动之斯和。其生也荣，其死也哀。如之何其可及也！”

论语·尧曰篇第二十

20.1 尧曰：“咨！尔舜！天之历数在尔躬，允执其中。四海困穷，天禄永终。”舜亦以命禹。曰：“予小子履，敢用玄牡，敢昭告于皇皇后帝：有罪不敢赦。帝臣不蔽，简在帝心。朕躬有罪，无以万方；万方有罪，罪在朕躬。”周有大赉，善人是富。“虽有周亲，不如仁人。百姓有过，在予一人。”谨权量，审法度，修废官，四方之政行焉。兴灭国，继绝世，举逸民，天下之民归心焉。所重：民、食、丧、祭。宽则得众，信则民任焉，敏则有功，公则说。

20.2 子张问于孔子曰：“何如斯可以从政矣？”子曰：“尊五美，屏四恶，斯可以从政矣。”子张曰：“何谓五美？”子曰：“君子惠而不费，劳而不怨，欲而不贪，泰而不骄，威而不猛。”子张曰：“何谓惠而不费？”子曰：“因民之所利而利之，斯不亦惠而不费乎！择可劳而劳之，又谁怨？欲仁而得仁，又焉贪？君子无众寡，无小大，无敢慢，斯不亦泰而不骄乎！君子正其衣冠，尊其瞻视，俨然人望而畏之，斯不亦威而不猛乎！”子张曰：“何谓四恶？”子曰：“不教而杀谓之虐；不戒视成谓之暴；慢令致期谓之贼；犹之与人也，出纳之吝谓之有司。”

20.3 孔子曰：“不知命，无以为君子也。不知礼，无以立也。不知言，无以知人也。”

附录 1:

《论语》中的名言名句

学而篇第一

1. 学而时习之，不亦说乎？有朋自远方来，不亦乐乎？人不知而不愠，不亦君子乎？
2. 君子务本，本立而道生。孝弟也者，其为仁之本欤！（有子曰）
3. 巧言令色，鲜矣仁。
4. 吾日三省吾身，为人谋而不忠乎？与朋友交而不信乎？传不习乎？
（曾子曰）
5. 弟子入则孝，出则弟，谨而信，泛爱众而亲仁，行有余力，则以学文。
6. 主忠信，无友不如己者，过，则勿惮改。
7. 慎终追远，民德归厚矣！（曾子曰）
8. 夫子温、良、恭、俭、让以得之。（子贡曰）
9. 礼之用，和为贵。先王之道，斯为美。（有子曰）
10. 不患人之不己知，患不知人也。

为政篇第二

1. 为政以德，譬如北辰，居其所而众星共之。
2. 《诗》三百，一言以蔽之，曰思无邪。
3. 吾十有五而志于学，三十而立，四十而不惑，五十而知天命，六十而耳顺，七十而从心所欲，不逾矩。
4. 温故而知新，可以为师矣。
5. 君子不器。

6. 君子周而不比，小人比而不周。
7. 学而不思则罔，思而不学则殆。
8. 攻乎异端，斯害也已。
9. 由，诲女知之乎？知之为知之，不知为不知，是知也。
10. 多闻阙疑，慎言其余，则寡尤；多见阙殆，慎行其余，则寡悔。言寡尤，行寡悔，禄在其中矣。
11. 举直错诸枉，则民服；举枉错诸直，则民不服。
12. 见义不为，无勇也。

八佾篇第三

1. 八佾舞于庭，是可忍也，孰不可忍也？
2. 人而不仁，如礼何？人而不仁，如乐何？
3. 夷狄之有君，不如诸夏之亡也。
4. 君子无所争，必也射乎！揖让而升，下而饮，其争也君子。
5. 巧笑倩兮，美目盼兮，素以为绚。绘事后素。
6. 祭如在，祭神如神在。吾不与祭，如不祭。
7. 周监于二代，郁郁乎文哉！吾从周。
8. 子入太庙，每事问。
9. 子贡欲去告朔之饩羊。子曰：赐也，尔爱其羊，我爱其礼。
10. 关雎，乐而不淫，哀而不伤。
11. 成事不说，遂事不谏，既往不咎。
12. 天下之无道也久矣，天将以夫子为木铎。（仪封人曰）
13. 子谓韶，尽美矣，又尽善也。谓武，尽美矣，未尽善也。

里仁篇第四

1. 里仁为美。择不处仁，焉得知？
2. 唯仁者能好人，能恶人。
3. 富与贵，是人之所欲也；不以其道得之，不处也。贫与贱，是人之所恶也；不以其道得之，不去也。君子去仁，恶乎成名？
4. 君子无终食之间违仁，造次必于是，颠沛必于是。
5. 朝闻道，夕死可矣。
6. 君子怀德，小人怀土；君子怀刑，小人怀惠。
7. 不患无位，患所以立；不患莫己知，求为可知也。
8. 参乎！吾道一以贯之。
9. 夫子之道，忠恕而已矣！（曾子曰）
10. 君子喻于义，小人喻于利。
11. 见贤思齐焉，见不贤而内自省也。
12. 事父母，几谏。见志不从，又敬不违，劳而不怨。
13. 父母在，不远游，游必有方。
14. 父母之年，不可不知也，一则以喜，一则以惧。
15. 君子欲讷于言，而敏于行。
16. 德不孤，必有邻。
17. 事君数，斯辱矣；朋友数，斯疏矣。（子游曰）

公冶长篇第五

1. 道不行，乘桴浮于海。
2. 回也，闻一以知十；赐也，闻一以知二。

3. 朽木不可雕也，粪土之墙不可朽也。
4. 敏而好学，不耻下问，是以谓之文也。
5. 季文子三思而后行，子闻之，曰：再，斯可矣。
6. 巧言、令色、足恭，左丘明耻之，丘亦耻之。匿怨而友其人，左丘明耻之，丘亦耻之。
7. 老者安之，朋友信之，少者怀之。
8. 十室之邑，必有忠信如丘者焉，不如丘之好学也。

雍也篇第六

1. 有颜回者好学，不迁怒，不贰过。不幸短命死矣，今也则亡。
2. 赤之适齐也，乘肥马，衣轻裘。
3. 君子周急不继富。
4. 犁牛之子骍且角，虽欲勿用，山川其舍诸？
5. 亡之，命矣夫！斯人也而有斯疾也！斯人也而有斯疾也！
6. 贤哉！回也。一簞食，一瓢饮，在陋巷，人不堪其忧，回也不改其乐。贤哉！回也。
7. 子谓子夏，曰：女为君子儒，无为小人儒。
8. 质胜文则野，文胜质则史。文质彬彬，然后君子。
9. 人之生也直，罔之生也幸而免。
10. 知之者不如好之者，好之者不如乐之者。
11. 知者乐水，仁者乐山。知者动，仁者静。知者乐，仁者寿。
12. 齐一变，至于鲁；鲁一变至于道。
13. 觚不觚，觚哉！觚哉！

14. 君子博学于文，约之以礼，亦可以弗畔矣夫。
15. 中庸之为德也，其至矣乎！民鲜久矣。
16. 夫仁者，己欲立而立人，己欲达而达人。能近取譬，可谓仁之方也已。

述而篇第七

1. 述而不作，信而好古，窃比于我老彭。
2. 默而识之，学而不厌，诲人不倦，何有于我哉？
3. 德之不修，学之不讲，闻义不能徙，不善不能改，是吾忧也。
4. 甚矣吾衰也！久矣，吾不复梦见周公。
5. 志于道，据于德，依于仁，游于艺。
6. 不愤不启，不悱不发；举一隅不以三隅反，则不复也。
7. 暴虎冯河，死而无悔者，吾不与也。必也临事而惧，好谋而成者也。
8. 富而可求也，虽执鞭之士，吾亦为之。如不可求，从吾所好。
9. 子之所慎：齐，战，疾。
10. 子在齐闻《韶》，三月不知肉味。曰：不图为乐之至于斯也！
11. 饭疏食、饮水，曲肱而枕之，乐亦在其中矣！不义而富且贵，于我如浮云。
13. 子所雅言，《诗》、《书》、执礼，皆雅言也。
14. 其为人也，发愤忘食，乐以忘忧，不知老之将至云尔。
15. 我非生而知之者，好古，敏以求之者也。
16. 子不语怪、力、乱、神。
17. 三人行，必有我师焉。择其善者而从之，其不善者而改之。

18. 子以四教：文，行，忠，信。
19. 子钓而不纲，弋不射宿。
20. 仁远乎哉？我欲仁，斯仁至矣。
21. 奢则不孙，俭则固。与其不孙也，宁固。
22. 君子坦荡荡，小人长戚戚。
23. 子温而厉，威而不猛，恭而安。

泰伯篇第八

1. 鸟之将死，其鸣也哀；人之将死，其言也善。（曾子曰）
2. 可以托六尺之孤，可以寄百里之命，临大节而不可夺也，君子人欤？君子人也。（曾子曰）
3. 士不可以不弘毅，任重而道远。仁以为己任，不亦重乎？死而后已，不亦远乎？（曾子曰）
4. 兴于诗，立于礼，成于乐。
5. 三年学，不至于谷，不易得也。
6. 笃信好学，守死善道。危邦不入，乱邦不居。天下有道则见，无道则隐。
7. 不在其位，不谋其政。
8. 师挚之始，《关雎》之乱，洋洋乎盈耳哉！
9. 大哉！尧之为君也！巍巍乎！唯天为大，唯尧则之。

子罕篇第九

1. 子绝四：毋意，毋必，毋固，毋我。
2. 子云：吾不试，故艺。

3. 有鄙夫问于我，空空如也；我叩其两端而竭焉。
4. 凤鸟不至，河不出图，吾已矣夫！
5. 颜渊喟然叹曰，仰之弥高，钻之弥坚。瞻之在前，忽焉在后。
6. 夫子循循然善诱人，博我以文，约我以礼，欲罢不能。既竭吾才，如有所立卓尔，虽欲从之，末由也已！
7. 有美玉于斯，韞椟而藏诸？求善贾而沽诸？子曰：沽之哉！沽之哉！我待贾者也！（子贡曰）
8. 子欲居九夷。或曰：陋，如之何！子曰：君子居之，何陋之有？
9. 吾自卫反鲁，然后乐正，《雅》、《颂》各得其所。
10. 子在川上曰：逝者如斯夫！不舍昼夜。
11. 吾未见好德如好色者也。
12. 譬如为山，未成一簣，止，吾止也！譬如平地，虽覆一簣，进，吾往也！
13. 苗而不秀者有矣夫！秀而不实者有矣夫！
14. 后生可畏，焉知来者之不如今也？
15. 主忠信。毋友不如己者，过，则勿惮改。
16. 三军可夺帅也，匹夫不可夺志也。
17. 岁寒，然后知松柏之后凋也。
18. 知者不惑，仁者不忧，勇者不惧。

乡党篇第十

1. 食不厌精，脍不厌细。
2. 食不语，寝不言。

3. 席不正，不坐。
4. 厩焚。子退朝，曰：伤人乎？不问马。
5. 君命召，不俟驾行矣。
6. 入太庙，每事问。
7. 寝不尸，居不客。
8. 迅雷风烈，必变。

先进篇第十一

1. 先进于礼乐，野人也；后进于礼乐，君子也。
2. 德行：颜渊，闵子骞，冉伯牛，仲弓；言语：宰我，子贡；政事：冉有，季路；文学：子游，子夏。
3. 未能事人，焉能事鬼？
4. 未知生，焉知死？
5. 过犹不及。
6. 求也退，故进之；由也兼人，故退之。
7. 莫春者，春服既成，冠者五六人，童子六七人，浴乎沂，风乎舞雩，咏而归。

颜渊篇第十二

1. 克己复礼为仁。一日克己复礼，天下归仁焉。
2. 非礼勿视，非礼勿听，非礼勿言，非礼勿动。
3. 己所不欲，勿施于人。
4. 人皆有兄弟，我独亡(司马牛曰)！
5. 死生有命，富贵在天(子夏曰)。

6. 君子敬而无失，与人恭而有礼，四海之内皆兄弟也。
7. 自古皆有死，民无信不立。
8. 文犹质也，质犹文也。虎豹之鞶犹犬羊之鞶。
9. 百姓足，君孰与不足？百姓不足，君孰与足？
10. 爱之欲其生，恶之欲其死；既欲其生，又欲其死，是惑也。
11. 齐景公问政于孔子，孔子对曰：君君，臣臣，父父，子子。
12. 博学于文，约之以礼，亦可以弗畔矣夫！
13. 君子成人之美，不成人之恶；小人反是。
14. 政者，正也。子帅以正，孰敢不正？
15. 君子之德，风；小人之德，草。草上之风，必偃。
16. 夫达也者，质直而好义，察言而观色，虑以下人。在邦必达，在家必达。
17. 樊迟问仁。子曰：爱人。问知。子曰：知人。
18. 举直错诸枉，能使枉者直。
19. 忠告而善道之，不可则止，毋自辱焉。
20. 曾子曰：君子以文会友，以友辅仁。

子路篇第十三

1. 名不正，则言不顺；言不顺，则事不成；事不成，则礼乐不兴；礼乐不兴，则刑罚不中；刑罚不中，则民无所措手足。
2. 诵《诗》三百，授之以政，不达；使于四方，不能专对；虽多，亦奚以为？
3. 其身正，不令而行；其身不正，虽令不从。

4. 鲁卫之政，兄弟也。
5. 无欲速，无见小利。欲速则不达，见小利，则大事不成。
6. 父为子隐，子为父隐，直在其中矣。
7. 行己有耻，使于四方，不辱君命，可谓士矣。
8. 言必信，行必果，硠硠然小人哉！
9. 君子和而不同，小人同而不和。
10. 君子泰而不骄，小人骄而不泰。
11. 刚、毅、木、讷近仁。

宪问篇第十四

1. 爱之，能勿劳乎？忠焉，能勿诲乎？
2. 见利思义，见危授命，久要不忘平生之言。
3. 晋文公谄而不正，齐桓公正而不谄。
4. 桓公九合诸侯，不以兵车，管仲之力也。
5. 管仲相桓公，霸诸侯，一匡天下，民到于今受其赐。
6. 微管仲，吾其被发左衽矣！
7. 君子上达，小人下达。
8. 古之学者为己，今之学者为人。
9. 不在其位，不谋其政。
10. 仁者不忧，知者不惑，勇者不惧。
11. 不患人之不己知，患其不能也。
12. 骥不称其力，称其德也。
13. 或曰，以德报怨，何如？

14. 以直报怨，以德报德。
15. 不怨天，不尤人，下学而上达。
16. 幼而不孙弟，长而无述焉，老而不死，是为贼！

卫灵公篇第十五

1. 君子固穷，小人穷斯滥矣。
2. 予一以贯之。
3. 言忠信，行笃敬，虽蛮貊之邦行矣。
4. 志士仁人，无求生以害仁，有杀身以成仁。
5. 工欲善其事，必先利其器。
6. 行夏之时，乘殷之辂，服周之冕，乐则《韶》《舞》。放郑声，远佞人。
郑声淫，佞人殆。
7. 人无远虑，必有近忧。
8. 吾未见好德如好色者也。
9. 君子病无能焉，不病人之不已知也。
10. 君子疾没世而名不称焉。
11. 君子求诸己，小人求诸人。
12. 君子矜而不争，群而不党。
13. 君子不以言举人，不以人废言。
14. 己所不欲，勿施于人。
15. 巧言乱德。小不忍，则乱大谋。
16. 众恶之，必察焉；众好之，必察焉。
17. 人能弘道，非道弘人。

18. 君子谋道不谋食。耕也，馁在其中矣；学也，禄在其中矣。君子忧道不忧贫。
19. 君子不可小知，而可大受也；小人不可大受，而可小知也。
20. 当仁，不让于师。
21. 有教无类。
22. 道不同，不相为谋。
23. 辞，达而已矣。

季氏篇第十六

1. 陈力就列，不能者止。
2. 危而不持，颠而不扶，则将焉用彼相矣？
3. 虎兕出于柙，龟玉毁于椟中，是谁之过欤？
4. 丘也闻有国有家者，不患寡而患不均，不患贫而患不安。盖均无贫，和无寡，安无倾。
5. 远人不服，则修文德以来之。既来之，则安之。
6. 天下有道，则礼乐征伐自天子出；天下无道，则礼乐征伐自诸侯出。
7. 益者三友：友直、友谅、友多闻。
8. 损者三友：友便辟、友善柔、友便佞。
9. 益者三乐，损者三乐。乐节礼乐，乐道人之善、乐多贤友，益矣；乐骄乐，乐佚游，乐宴乐，损矣。
10. 君子有三戒：少之时，血气未定，戒之在色；及其壮也，血气方刚，戒之在斗；及其老也，血气既衰，戒之在得。
11. 君子有三畏：畏天命，畏大人，畏圣人之言。

12. 君子有九思：视思明，听思聪，色思温，貌思恭，言思忠，事思敬，疑思问，忿思难，见得思义。

13. 见善如不及，见不善如探汤。

14. 不学《诗》，无以言。不学《礼》，无以立！

阳货篇第十七

1. 怀其宝而迷其邦，可谓仁乎？

2. 日月逝矣，岁不我与。

3. 性相近也，习相远也。

4. 割鸡焉用牛刀。

5. 《诗》，可以兴，可以观，可以群，可以怨。迩之事父，远之事君。多识于鸟、兽、草、木之名。

6. 人而不为《周南》、《召南》，其犹正墙面而立也欤！

7. 礼云礼云，玉帛云乎哉？乐云乐云，钟鼓云乎哉？

8. 乡愿，德之贼也！

9. 道听而涂说，德之弃也

10. 天何言哉！四时行焉，百物生焉。天何言哉？

11. 饱食终日，无所用心，难矣哉！

12. 唯女子与小人为难养也！近之则不孙，远之则怨。

微子篇第十八

1. 微子去之，箕子为之奴，比干谏而死。孔子曰：殷有三仁焉。

2. 凤兮！凤兮！何德之衰？往者不可谏，来者犹可追。已而！已而！今之从政者殆而！（楚狂接舆）

3. 四体不勤，五谷不分，孰为夫子？（丈人曰）
4. 周公谓鲁公曰：君子不施其亲，不使大臣怨乎不以，故旧无大故则不弃也，无求备于一人。

论语·子张篇第十九

1. 虽小道，必有可观者焉。致远恐泥，是以君子不为也。（子夏曰）
2. 日知其所亡，月无忘其所能，可谓好学也已矣。（子夏曰）
3. 博学而笃志，切问而近思，仁在其中矣。（子夏曰）
4. 百工居肆以成其事，君子学以致其道。（子夏曰）
5. 君子有三变：望之俨然，即之也温，听其言也厉。（子夏曰）
6. 大德不逾闲，小德出入可也。（子夏曰）
7. 仕而优则学，学而优则仕。（子夏曰）
8. 纣之不善，不如是之甚也。是以君子恶居下流，天下之恶皆归焉。”（子贡曰）
9. 君子之过也，如日月之食焉：过也，人皆见之；更也，人皆仰之。（子贡曰）
10. 文、武之道，未坠于地，在人。贤者识其大者，不贤者识其小者，莫不有文、武之道焉。夫子焉不学？而亦何常师之有？（子贡曰）
11. 譬之宫墙，赐之墙也及肩，窥见室家之好。夫子之墙数仞，不得其门而入，不见宗庙之美、百官之富。得其门者或寡矣。（子贡曰）
12. 仲尼不可毁也。他人之贤者，丘陵也，犹可逾也；仲尼，日月也，无得而逾焉。人虽欲自绝，其何伤于日月乎？多见其不知量也。（子贡曰）

13. 夫子之不可及也，犹天之不可阶而升也。（子贡曰）

14. 夫子之得邦家者，所谓立之斯立，道之斯行，绥之斯来，动之斯和。其生也荣，其死也哀。如之何其可及也！

尧曰篇第二十

1. 天之历数在尔躬，允执其中。四海困穷，天禄永终。（尧）

2. 谨权量，审法度，修废官，四方之政行焉。兴灭国，继绝世，举逸民，天下之民归心焉。

3. 尊五美，屏四恶，斯可以从政矣。

4. 何谓五美？子曰：君子惠而不费，劳而不怨，欲而不贪，泰而不骄，威而不猛。

5. 君子正其衣冠，尊其瞻视，俨然人望而畏之。

6. 何谓四恶？子曰：不教而杀谓之虐；不戒视成谓之暴；慢令致期谓之贼；犹之与人也，出纳之吝谓之有司。

7. 不知命，无以为君子也。不知礼，无以立也。不知言，无以知人也。

附录 2:

《论语》中的故事

1. 宰予昼寝

宰予昼寝。子曰：“朽木不可雕也，粪土之墙不可朽也，于予与何诛？”子曰：“始吾于人也，听其言而信其行，今吾于人也，听其言而观其行。于予与改是。”（论语·公冶长篇）

2. 各言尔志

颜渊、季路侍，子曰：“盍各言尔志？”子路曰：“愿车马，衣轻裘，与朋友共，敝之而无憾。”颜渊曰：“愿无伐善，无施劳。”子路曰：“愿闻子之志？”子曰：“老者安之，朋友信之，少者怀之。”（论语·公冶长篇）

3. 君子周急不继富

子华使于齐，冉子为其母请粟。子曰：“与之釜。”请益，曰：“与之庾。”冉子与之粟五秉。子曰：“赤之适齐也，乘肥马，衣轻裘，吾闻之也，君子周急不继富。”（论语·雍也篇）

4. 孔子因材施教

子路问：“闻斯行诸？”子曰：“有父兄在，如之何其闻斯行之？”冉有问：“闻斯行诸？”子曰：“闻斯行之。”公西华曰：“由也问闻斯行诸，子曰有父兄在，求也问闻斯行诸，子曰闻斯行之，赤也惑，敢问。”子曰：“求也退，故进之；由也兼人，故退之。”（论语·先进篇）

6. 子路侍坐

子路、曾皙、冉有、公西华侍坐。子曰：“以吾一日长乎尔，毋吾

以也？居则曰，不吾知也，如或知尔，则何以哉？”

子路率尔而对曰：“千乘之国，摄乎大国之间，加之以师旅，因之以饥馑，由也为之，比及三年，可使有勇且知方也。”夫子哂之。

“求，尔何如？”对曰：“方六七十，如五六十，求也为之，比及三年，可使足民，如其礼乐，以俟君子。”

“赤，尔何如？”对曰：“非曰能之，愿学焉，宗庙之事，如会同，端章甫，愿为小相焉。”

“点，尔何如？”鼓瑟希，铿尔，舍瑟而作，对曰：“异乎三子者之撰。”子曰：“何伤乎？亦各言其志也。”曰：“莫春者，春服既成，冠者五六人，童子六七人，浴乎沂，风乎舞雩，咏而归。”

夫子喟然叹曰：“吾与点也。”

三子者出，曾皙后。曾皙曰：“夫三子者之言何如？”子曰：“亦各言其志也已矣。”曰：“夫子何哂由也？”曰：“为国以礼，其言不让，是故哂之。唯求则非邦也欤？安见方六七十，如五六十，而非邦也者？唯赤则非邦也欤？宗庙会同，非诸侯而何？赤也为之小，孰能为之大？”
(论语·先进篇)

7. 司马牛之忧

司马牛忧曰：“人皆有兄弟，我独亡？”子夏曰：“商闻之矣，死生有命，富贵在天。君子敬而无失，与人恭而有礼，四海之内皆兄弟也，君子何患乎无兄弟也。”(论语·颜渊篇)

8. 民无信不立

子贡问政。子曰：“足食，足兵，民信之矣。”子贡曰：“必不得已而去，于斯三者何先？”曰：“去兵。”子贡曰：“必不得已而去，于斯二者何先？”曰：“去食。自古皆有死，民无信不立。”（论语·颜渊篇）

9. 文质之辩

棘子成曰：“君子质而已矣，何以文为？”子贡曰：“惜乎，夫子之说君子也。驷不及舌，文犹质也，质犹文也，虎豹之鞞犹犬羊之鞞。”（论语·颜渊篇）

10. 齐景公问政

齐景公问政于孔子。孔子对曰：“君君，臣臣，父父，子子。公曰：善哉。信如君不君，臣不臣，父不父，子不子。虽有粟，吾得而食诸？”（论语·颜渊篇）

11. 风行草偃

季康子问政于孔子，曰：“如杀无道，以就有道，何如？”孔子对曰：“子为政，焉用杀？子欲善而民善矣。君子之德风，小人之德草，草上之风，必偃。”（论语·颜渊篇）

12. 子张问士

子张问：“士，何如斯可谓之达矣？”子曰：“何哉，尔所谓达者？”子张对曰：“在邦必闻，在家必闻。”子曰：“是闻也，非达也。夫达也者，质直而好义，察言而观色，虑以下人，在邦必达，在家必达。夫闻也者，色取仁而行违，居之不疑，在邦必闻，在家必闻。”（论语·颜渊篇）

13. 樊迟问仁

樊迟问仁。子曰：“爱人。”问知，子曰：“知人。”樊迟未达。子曰：“举直错诸枉，能使枉者直。”樊迟退，见子夏曰：“乡也，吾见于夫子而问知，子曰，举直错诸枉，能使枉者直，何谓也？”子夏曰：“富哉言乎！舜有天下，选于众，举皋陶，不仁者远矣；汤有天下，选于众，举伊尹，不仁者远矣。”（论语·颜渊篇）

14. 名正言顺

子路曰：“卫君待子而为政，子将奚先？”子曰：“必也正名乎？”子路曰：“有是哉。子之迂也，奚其正？”子曰：“野哉，由也。君子于其所不知，盖阙如也。名不正则言不顺，言不顺则事不成，事不成则礼乐不兴，礼乐不兴则刑罚不中，刑罚不中则民无所措手足。故君子名之必可言也，言之必可行也，君子于其言，无所苟而已矣！”（论语·子路篇）

15. 樊迟学稼

樊迟请学稼。子曰：“吾不如老农。”请学为圃，曰：“吾不如老圃。”樊迟出。子曰：“小人哉，樊须也。上好礼，则民莫敢不敬；上好义，则民莫敢不服；上好信，则民莫敢不用情。夫如是，则四方之民，襁负其子而至矣，焉用稼？”（论语·子路篇）

16. 一言兴邦

定公问：“一言而可以兴邦，有诸？”孔子对曰：“言不可以若是其几也。人之言曰，为君难，为臣不易。如知为君之难也，不几乎一言而兴邦乎？”曰：“一言而丧邦，有诸？”孔子对曰：“言不可以若是其几

也。人之言曰，予无乐乎为君，唯其言而莫予违也。如其善而莫之违也，不亦善乎？如不善而莫之违也，不几乎一言而丧邦乎？”（论语·子路篇）

17. 直躬攘羊

叶公语孔子曰：“吾党有直躬者，其父攘羊，而子证之。”孔子曰：“吾党之直者异于是。父为子隐，子为父隐，直在其中矣。”（论语·子路篇）

18. 子贡问士

子贡问曰：“何如斯可谓之士矣？”子曰：“行己有耻，使于四方，不辱君命，可谓士矣。”曰：“敢问其次？”曰：“宗族称孝焉，乡党称弟焉。”曰：“敢问其次？”曰：“言必信，行必果，硜硜然小人哉，抑亦可以为次矣？”曰：“今之从政者何如？”子曰：“噫，斗筲之人，何足算也！”（论语·子路篇）

19. 以直报怨

或曰：“以德报怨，何如？”子曰：“何以报德？以直报怨，以德报德。”（论语·宪问篇）

20. 子路宿石门

子路宿于石门。晨门曰：“奚自？”子路曰：“自孔氏。”曰：“是知其不可而为之者欤？”（论语·宪问篇）

21. 孔子击磬

子击磬于卫，有荷蕢而过孔氏之门者。曰：“有心哉，击磬乎！”既而曰：“鄙哉，硜硜乎！莫己知也，斯已而已矣，深则厉，浅则揭。”子

曰：“果哉，末之难矣。”（论语·宪问篇）

22. 子张书绅

子张问行。子曰：“言忠信，行笃敬，虽蛮貊之邦行矣。言不忠信，行不笃敬，虽州里行乎哉？立则见其参于前也，在舆则见其倚于衡也，夫然后行。”子张书诸绅。（论语·卫灵公篇）

23. 相师之道

师冕见。及阶，子曰，阶也。及席，子曰，席也。皆坐，子告之曰，某在斯，某在斯。师冕出，子张问曰：“与师言之道欤？”子曰：“然，固相师之道也。”（论语·卫灵公篇）

24. 季氏将伐颛臾

季氏将伐颛臾。冉有、季路见于孔子曰：“季氏将有事于颛臾。”

孔子曰：“求，无乃尔是过欤？夫颛臾，昔者先王以为东蒙主，且在邦域之中矣，是社稷之臣也，何以伐为？”冉有曰：“夫子欲之，吾二臣者皆不欲也。”

孔子曰：“求，周任有言曰，陈力就列，不能者止。危而不持，颠而不扶，则将焉用彼相矣？且尔言过矣，虎兕出于柙，龟玉毁于椟中，是谁之过欤？”冉有曰：“今夫颛臾，固而近于费，今不取，后世必为子孙忧。”

孔子曰：“求，君子疾夫，舍曰欲之而必为之辞。丘也闻有国有家者，不患寡而患不均，不患贫而患不安。盖均无贫，和无寡，安无倾。夫如是，故远人不服，则修文德以来之，既来之，则安之。今由与求也相夫子，远人不服而不能来也。邦分崩离析，而不能守也，而谋动干戈

于邦内。吾恐季孙之忧不在颛臾，而在萧墙之内也。”（论语·季氏篇）

25. 陪臣执国命

孔子曰：“天下有道，则礼乐征伐自天子出。天下无道，则礼乐征伐自诸侯出。自诸侯出，盖十世希不失矣；自大夫出，五世希不失矣；陪臣执国命，三世希不失矣。天下有道，则政不在大夫；天下有道，则庶人不议。”（论语·季氏篇）

26. 过庭之训

陈亢问于伯鱼曰：“子亦有异闻乎？”对曰：“未也。尝独立，鲤趋而过庭，曰学诗乎？对曰，未也。不学诗，无以言。鲤退而学诗。他日，又独立，鲤趋而过庭。曰，学礼乎？对曰，未也。不学礼，无以立。鲤退而学礼，闻斯二者。”陈亢退而喜曰：“问一得三，闻诗，闻礼，又闻君子之远其子也。”（论语·季氏篇）

27. 阳货见孔子

阳货欲见孔子，孔子不见。归孔子豚。孔子时其亡也而往拜之，遇诸涂。谓孔子曰：“来，予与尔言。”曰：“怀其宝而迷其邦，可谓仁乎？”曰：“不可。”“好从事而亟失时，可谓知乎？”曰：“不可。”“日月逝矣，岁不我与。”孔子曰：“诺，吾将仕矣。”（论语·阳货篇）

28. 牛刀割鸡

子之武城，闻弦歌之声。夫子莞尔而笑曰：“割鸡焉用牛刀？”子游对曰：“昔者偃也闻诸夫子曰，君子学道则爱人，小人学道则易使也。”子曰：“二三子，偃之言是也，前言戏之耳！”（论语·季氏篇）

29. 匏瓜空悬

佛肸召，子欲往。子路曰：“昔者，由也闻诸夫子曰，亲于其身为不善者，君子不入也。佛肸以中牟畔，子之往也，如之何？”子曰：“然，有是言也。不曰坚乎，磨而不磷；不曰白乎？涅而不缁。吾岂匏瓜也哉？焉能系而不食？”（论语·阳货篇）

30. 三年之丧

宰我问：“三年之丧，期已久矣。君子三年不为礼，礼必坏；三年不为乐，乐必崩。旧谷既没，新谷既升，钻燧改火，期可已矣。”子曰：“食夫稻，衣夫锦，于女安乎？曰：安。女安则为之。夫君子之居丧，食旨不甘，闻乐不乐，居处不安，故不为也。今女安则为之。”宰我出，子曰：“予之不仁也。子生三年，然后免于父母之怀。夫三年之丧，天下之通丧也，予也有三年之爱于其父母乎？”（论语·阳货篇）

31. 楚狂接舆

楚狂接舆歌而过孔子，曰：“凤兮凤兮，何德之衰。往者不可谏，来者犹可追。已而已而，今之从政者殆而。”孔子下，欲与之言，趋而辟之，不得与之言。（论语·微子篇）

32. 子路问津

长沮、桀溺耦而耕。孔子过之，使子路问津焉。长沮曰：“夫执舆者为谁？”子路曰：“为孔丘。”曰：“是鲁孔丘欤？”曰：“是也。”曰：“是知津矣。”问于桀溺。桀溺曰：“子为谁？”曰：“为仲由。”曰：“是鲁孔丘之徒欤？”对曰：“然。”曰：“滔滔者天下皆是也，而谁以易之？且而与其从辟人之士也，岂若从辟世之士哉！”耰而不辍。子路行以告，夫子怃然曰：“鸟兽不可与同群，吾非斯人之徒与？而谁与？天下有道，

丘不与易也。”（论语·微子篇）

33. 子路遇丈人

子路从而后，遇丈人，以杖荷蓑。子路问曰：“子见夫子乎？”丈人曰：“四体不勤，五谷不分，孰为夫子？”植其杖而芸。子路拱而立。止子路宿，杀鸡为黍而食之，见其二子焉。明日，子路行以告。子曰：“隐者也。”使子路反见之，至则行矣。子路曰：“不仕无义，长幼之节不可废也。君臣之义，如之何其废之？欲洁其身，而乱大伦。君子之仕也，行其义也。道之不行，已知之矣。”（论语·微子篇）

34. 圣人无常师

卫公孙朝问于子贡曰：“仲尼焉学？”子贡曰：“文武之道，未坠于地，在人。贤者，识其大者，不贤者，识其小者，莫不有文武之道焉。夫子焉不学，而亦何常师之有？”（论语·子张篇）

35. 赐墙及肩

叔孙武叔语大夫于朝曰，子贡贤于仲尼。子服景伯以告子贡。子贡曰：“譬之宫墙，赐之墙也及肩，窥见室家之好；夫子之墙数仞，不得其门而入，不见宗庙之美，百官之富，得其门者或寡矣。夫子之云，不亦宜乎！”（论语·子张篇）

36. 叔孙武叔毁孔子

叔孙武叔毁仲尼。子贡曰：“无以为也，仲尼不可毁也。他人之贤者，丘陵也，犹可逾也；仲尼，日月也，无得而逾焉。人虽欲自绝，其何伤于日月乎？多见，其不知量也。”（论语·子张篇）

37. 古代帝王的就职演讲

尧曰：“咨，尔舜，天之历数在尔躬，允执其中，四海困穷，天禄永终。”舜亦以命禹。曰：“予小子履，敢用玄牡，敢昭告于皇皇后帝，有罪不敢赦，帝臣不蔽，简在帝心；朕躬有罪，无以万方；万方有罪，罪在朕躬。周有大赉，善人是富，虽有周亲，不如仁人。百姓有过，在予一人。”谨权量，审法度，修废官，四方之政行焉；兴灭国，继绝世，举逸民，天下之民归心焉。所重，民食丧祭，宽则得众，信则民任焉，敏则有功，公则说。（论语·尧曰篇）

附录 3:

《论语》中的成语

◇ 学而篇（第一）

1. **不亦乐乎**——子曰学而时习之不亦说乎有朋自远方来不亦乐乎人不知而不愠不亦君子乎（论语学而篇）
2. **犯上作乱**——有子曰其为人也孝弟而好犯上者鲜矣不好犯上而好作乱者未之有也君子务本本立而道生孝弟也者其为仁之本欤（论语学而篇）
3. **一日三省**——曾子曰吾日三省吾身为人谋而不忠乎与朋友交而不信乎传不习乎（论语学而篇）
4. **三省吾身**——曾子曰吾日三省吾身为人谋而不忠乎与朋友交而不信乎传不习乎（论语学而篇）
5. **节用爱人**——子曰道千乘之国敬事而信节用而爱人使民以时（论语学而篇）
6. **贤贤易色**——子夏曰贤贤易色事父母能竭其力事君能致其身与朋友交言而有信虽曰未学吾必谓之学矣（论语学而篇）
7. **言而有信**——子夏曰贤贤易色事父母能竭其力事君能致其身与朋友交言而有信虽曰未学吾必谓之学矣（论语学而篇）
8. **行有余力**——子曰弟子入则孝出则弟谨而信泛爱众而亲仁行有余力则以学文（论语学而篇）
9. **慎终追远**——曾子曰慎终追远民德归厚矣（论语学而篇）
10. **小大由之**——有子曰：礼之用，和为贵。先王之道，斯为美。小大由之。（论语学而篇）
11. **食无求饱**——子曰君子食无求饱居无求安敏于事而慎于言就有道而正焉可谓好学也已（论语学而篇）
12. **居无求安**——子曰君子食无求饱居无求安敏于事而慎于言就有道而正焉可谓好学也已（论语学而篇）

14. **就正有道**——子曰君子食无求饱居无求安敏于事而慎于言就有道而正焉可谓好学也已（论语学而篇）

15. **贫而乐道**——子贡曰贫而无谄富而无骄何如子曰可也未若贫而乐富而好礼者也子贡曰诗云如切如磋如琢如磨其斯之谓欤（论语学而篇）

16. **告往知来**——子曰赐也始可与言诗已矣告诸往而知来者（论语学而篇）

◇ 为政篇（第二）

1. **众星拱北（北辰星拱）**——子曰为政以德譬如北辰居其所而众星共之（论语为政篇）

2. **众星捧月**——子曰为政以德譬如北辰居其所而众星共之（论语为政篇）

3. **一言以蔽之**——子曰诗三百一言以蔽之曰思无邪（论语为政篇）

4. **三十而立**——子曰吾十有五而志于学三十而立（论语为政篇）

5. **而立之年**——子曰吾十有五而志于学三十而立（论语为政篇）

6. **不惑之年、知命之年、耳顺之年**——子曰吾十有五而志于学三十而立四十而不惑五十而知天命六十而耳顺七十而从心所欲不逾矩（论语为政篇）

7. **随心所欲**——子曰吾十有五而志于学三十而立四十而不惑五十而知天命六十而耳顺七十而从心所欲不逾矩（论语为政篇）

8. **从心所欲**——子曰吾十有五而志于学三十而立四十而不惑五十而知天命六十而耳顺七十而从心所欲不逾矩（论语为政篇）

9. **犬马之养**——子游问孝子曰今之孝者是谓能养至于犬马皆能有养不敬何以别乎（论语为政篇）

10. **温故知新**——子曰温故而知新可以为师矣（论语为政篇）

11. **周而不比**——子曰君子周而不比小人比而不周（论语为政篇）

12. **见义勇为**——子曰非其鬼而祭之谄也见义不为无勇也（论语为政篇）

13. **异端邪说**——子曰攻乎异端斯害也已（论语为政篇）
14. **多闻阙疑**——子张学干禄子曰多闻阙疑慎言其余则寡尤（论语为政篇）
15. **举直错枉**——哀公问曰何为则民服孔子对曰举直错诸枉则民服举枉错诸直则民不服（论语为政篇）

◇ 八佾篇（第三）

1. **了如指掌**——或问禘之说子曰不知也知其说者之于天下也其如示诸斯乎指其掌（论语八佾篇）
2. **绘事后素**——子夏问曰巧笑倩兮美目盼兮素以为绚兮何谓也子曰绘事后素曰礼后乎子曰起予者商也始可与言诗已矣（论语八佾篇）
3. **告朔饩羊**——子贡欲去告朔之饩羊子曰赐也尔爱其羊我爱其礼（论语八佾篇）
4. **爱礼存羊**——子贡欲去告朔之饩羊子曰赐也尔爱其羊我爱其礼（论语八佾篇）
5. **戒奢宁俭**——林放问礼之本子曰大哉问礼与其奢也宁俭丧与其易也宁戚（论语八佾篇）
6. **杞宋无征**——子曰夏礼吾能言之杞不足征也殷礼吾能言之宋不足征也文献不足故也足则吾能征之矣（论语八佾篇）
7. **成事不说**——哀公问社于宰我宰我对曰夏后氏以松殷人以柏周人以栗曰使民战栗子闻之曰成事不说遂事不谏既往不咎（论语八佾篇）
8. **既往不咎**——哀公问社于宰我宰我对曰夏后氏以松殷人以柏周人以栗曰使民战栗子闻之曰成事不说遂事不谏既往不咎（论语八佾篇）
9. **乐而不淫**——子曰关雎乐而不淫哀而不伤。（论语八佾篇）
10. **哀而不伤**——子曰关雎乐而不淫哀而不伤。（论语八佾篇）
11. **尽善尽美**——子谓韶尽美矣又尽善也谓武尽美矣未尽善也（论语八佾篇）

◇ 里仁篇（第四）

1. **见贤思齐**——子曰见贤思齐焉见不贤而内自省也（论语里仁篇）
2. **造次颠沛**——子曰富与贵是人之所欲也不以其道得之不处也贫与贱是人之所恶也不以其道得之不去也君子去仁恶乎成名君子无终食之间违仁造次必于是颠沛必于是（论语里仁篇）
3. **游必有方**——子曰父母在不远游游必有方（论语里仁篇）
4. **恶衣恶食**——子曰士志于道而耻恶衣恶食者未足与议也（论语里仁篇）
5. **朝闻夕死**——子曰朝闻道夕死可矣（论语里仁篇）
6. **无适无莫(心无适莫)**——君子之于天下也，无适也，无莫也，义之与比。（论语里仁篇）
7. **一以贯之**——子曰参乎吾道一以贯之曾子曰唯子出门人问曰何谓也曾子曰夫子之道忠恕而已矣（论语里仁篇）
8. **观过知仁**——子曰：人之过也，各于其党，观过，斯知仁矣（论语里仁篇）

◇ 公冶长篇（第五）

1. **瑚琏之器**——子贡问曰赐也何如子曰女器也曰何器也曰瑚琏也（论语公冶长篇）
2. **无欲则刚**——子曰吾未见刚者或对曰申枋子曰枋也欲焉得刚（论语公冶长篇）
3. **不耻下问**——子贡问曰孔文子何以谓之文也子曰敏而好学不耻下问是以谓之文也（论语公冶长篇）
4. **三思而行(三思而后行)**——季文子三思而后行子闻之曰再斯可矣（论语公冶长篇）
5. **闻一知十**——子谓子贡曰女与回也孰愈对曰赐也何敢望回回也闻一以知十赐也闻一以知二子曰弗如也吾与女弗如也（论语公冶长篇）

6. **斐然成章**——子在陈曰归欤归欤吾党之小子狂简斐然成章不知所以裁之（论语公冶长篇）
7. **朽木粪墙（朽木粪土）**——宰予昼寝子曰朽木不可雕也粪土之墙不可朽也（论语公冶长篇）
8. **愚不可及**——子曰宁武子邦有道则知邦无道则愚其知可及也其愚不可及也（论语公冶长篇）
9. **朽木不雕（朽木难雕）**——宰予昼寝子曰朽木不可雕也粪土之墙不可朽也（论语公冶长篇）
10. **不念旧恶**——子曰伯夷叔齐不念旧恶怨是用希（论语公冶长篇）
11. **安老怀少**——子路曰原闻子之志子曰老者安之朋友信之少者怀之（论语公冶长篇）
12. **计过自讼**——子曰已矣乎吾未见能见其过而内自讼者也（论语公冶长篇）
13. **善与人交**——子曰晏平仲善与人交久而敬之（论语公冶长篇）
14. **敏而好学**——子贡问曰孔文子何以谓之文也子曰敏而好学不耻下问是以谓之文也（论语公冶长篇）

◇ 雍也篇（第六）

1. **行不贰过**——哀公问弟子孰为好学孔子对曰有颜回者好学不迁怒不贰过不幸短命死矣今也则亡未闻好学者也（论语雍也篇）
2. **肥马轻裘（轻裘肥马、裘马轻肥、衣轻乘肥）**——子曰赤之适齐也乘肥马衣轻裘吾闻之也君子周急不继富（论语雍也篇）
3. **周急继乏（周急济贫，周急济老，周贫济乏）**——君子周急不继富（论语雍也篇）
4. **迁怒于人**——孔子对曰有颜回者好学不迁怒不贰过不幸短命死矣今也则亡未闻好学者也（论语雍也篇）
5. **犁生骍角（骍角犁生）**——子谓仲弓曰犁牛之子骍且角虽欲勿用山川其舍诸

（论语雍也篇）

6. **犁牛之子**——子谓仲弓曰犁牛之子骍且角虽欲勿用山川其舍诸（论语雍也篇）
7. **一箪一瓢**——子曰贤哉回也一箪食一瓢饮在陋巷人不堪其忧回也不改其乐贤哉回也（论语雍也篇）
8. **箪食瓢饮**——子曰贤哉回也一箪食一瓢饮在陋巷人不堪其忧回也不改其乐贤哉回也（论语雍也篇）
9. **陋巷箪瓢**——子曰贤哉回也一箪食一瓢饮在陋巷人不堪其忧回也不改其乐贤哉回也（论语雍也篇）
10. **不改其乐**——子曰贤哉回也一箪食一瓢饮在陋巷人不堪其忧回也不改其乐贤哉回也（论语雍也篇）
11. **不堪其忧**——子曰贤哉回也一箪食一瓢饮在陋巷人不堪其忧回也不改其乐贤哉回也（论语雍也篇）
12. **行不由径**——子游为武城宰子曰女得人焉尔乎曰有澹台灭明者行不由径非公事未尝至于偃之室也（论语雍也篇）
13. **文质彬彬**——子曰贤哉回也一箪食一瓢饮在陋巷人不堪其忧回也不改其乐贤哉回也（论语雍也篇）
14. **中道而废**——冉求曰非不说子之道力不足也子曰力不足者中道而废今女画（论语雍也篇）
15. **敬而远之**——樊迟问知子曰务民之义敬鬼神而远之可谓知矣（论语雍也篇）
16. **先难后获**——樊迟问知子曰务民之义敬鬼神而远之可谓知矣问仁曰仁者先难而后获可谓仁矣（论语雍也篇）
17. **乐山乐水**——子曰知之者不如好之者好之者不如乐之者（论语雍也篇）
18. **从井救人**——宰我问曰仁者虽告之曰井有仁焉其从之也（论语雍也篇）
19. **博文约礼**——子曰君子博学于文约之以礼亦可以弗畔矣夫（论语雍也篇）
20. **博施济众**——子贡曰如有博施于民而能济众何如可谓仁乎（论语雍也篇）

21. **中庸之道**——子贡曰如有博施于民而能济众何如可谓仁乎（论语雍也篇）
22. **能近取譬**——夫仁者己欲立而立人，己欲达而达人，能近取譬，可谓仁之方也已（论语雍也篇）
23. **立人达人（达人立人）**——夫仁者己欲立而立人，己欲达而达人，能近取譬，可谓仁之方也已（论语雍也篇）
24. **善为我辞（汉语词语，不是成语）**——李氏使闵子骞为费宰闵子骞曰善为我辞焉（论语雍也篇）

◇ 述而篇（第七）

1. **诲人不倦**——子曰默而识之学而不厌诲人不倦何有于我哉（论语述而篇）
2. **举一反三**——子曰不愤不启不悱不发举一隅不以三隅反则不复也（论语述而篇）
3. **发愤忘食**——叶公问孔子于子路子路不对子曰女奚不曰其为人也发愤忘食乐以忘忧不知老之将至云尔（论语述而篇）
4. **怪力乱神**——子不语怪力乱神（论语述而篇）
5. **一隅之见**——子曰不愤不启不悱不发举一隅不以三隅反则不复也（论语述而篇）
6. **述而不作**——子曰述而不作信而好古窃比于我老彭（论语述而篇）
7. **不悱不发**——子曰不愤不启不悱不发举一隅不以三隅反则不复也（论语述而篇）
8. **不愤不启**——子曰不愤不启不悱不发举一隅不以三隅反则不复也（论语述而篇）
9. **富贵浮云（浮云富贵）**——子曰饭疏食饮水曲肱而枕之乐亦在其中矣不义而富且贵于我如浮云（论语述而篇）
10. **乐以忘忧**——叶公问孔子于子路子路不对子曰女奚不曰其为人也发愤忘食乐

以忘忧不知老之将至云尔（论语述而篇）

11. **乐在其中**——子曰饭疏食饮水曲肱而枕之乐亦在其中矣不义而富且贵于我如浮云（论语述而篇）

12. **临事而惧**——子曰暴虎冯河死而无悔者吾不与也必也临事而惧好谋而成者也（论语述而篇）

13. **学而不厌**——子曰默而识之学而不厌诲人不倦何有于我哉（论语述而篇）

14. **饮水曲肱**——子曰饭疏食饮水曲肱而枕之乐亦在其中矣不义而富且贵于我如浮云（论语述而篇）

15. **择善而从**——子曰三人行必有我师焉择其善者而从之其不善者而改之（论语述而篇）

16. **不知肉味（三月不知肉味）**——子在齐闻韶三月不知肉味曰不图为乐之至于斯也（论语述而篇）

17. **死而无悔**——子曰暴虎冯河死而无悔者吾不与也必也临事而惧好谋而成者也（论语述而篇）

18. **求仁得仁**——冉有曰夫子为卫君乎子贡曰诺吾将问之入曰伯夷叔齐何人也曰古之贤人也曰怨乎曰求仁而得仁又何怨出曰夫子不为也（论语述而篇）

19. **用舍行藏**——子谓颜渊曰用之则行舍之则藏惟我与尔有是夫（论语述而篇）

20. **生而知之**——子曰我非生而知之者好古敏以求之者也（论语述而篇）

21. **执鞭随蹬**——子曰富而可求也虽执鞭之士吾亦为之如不可求从吾所好（论语述而篇）

22. **默而知之**——子曰默而识之学而不厌诲人不倦何有于我哉（论语述而篇）

◇ 泰伯篇（第八）

1. **而今而后**——曾子有疾召门弟子曰启予足启予手诗云战战兢兢如临深渊如履

薄冰而今而后吾知免夫小子（论语泰伯篇）

2. **犯而不校**——以能问与不能以多问于寡有若无实若虚犯而不校（论语泰伯篇）

3. **六尺之孤**——曾子曰可以托六尺之孤可以寄百里之命临大节而不可夺也君子人欤君子人也（论语泰伯篇）

4. **大节不夺**——曾子曰可以托六尺之孤可以寄百里之命临大节而不可夺也君子人欤君子人也（论语泰伯篇）

5. **任重道远**——曾子曰士不可以不弘毅任重而道远仁以为己任不亦重乎死而后已不亦远乎（论语泰伯篇）

6. **死而后已**——曾子曰士不可以不弘毅任重而道远仁以为己任不亦重乎死而后已不亦远乎（论语泰伯篇）

7. **笃信好学**——子曰笃信好学守死善道危邦不入乱邦不居（论语泰伯篇）

◇ 子罕篇（第九）

1. **斯文扫地（斯文委地）**——子畏于匡曰文王既没文不在兹乎天之将丧斯文也后死者不得与于斯文也天之未丧斯文也匡人其如予何（论语子罕篇）

2. **天纵之圣**——太宰问于子贡曰夫子圣者欤何其多能也子贡曰固天纵之将圣又多能也（论语子罕篇）

3. **空空如也**——子曰吾有知乎哉无知也有鄙夫问于我空空如也我叩其两端而竭焉（论语子罕篇）

4. **河不出图（凤鸟不至，河不出图）**——子曰凤鸟不至河不出图吾已矣夫（论语子罕篇）

5. **喟然长叹**——颜渊喟然叹曰仰之弥高钻之弥坚瞻之在前忽焉在后（论语子罕篇）

6. **循循善诱**——颜渊喟然叹曰仰之弥高钻之弥坚瞻之在前忽焉在后夫子循循然善诱人博我以文约我以礼欲罢不能既竭吾才如有所立卓尔虽欲从之末由也已（论语

子罕篇)

7. 仰之弥高（钻之弥坚，仰之弥高）——颜渊喟然叹曰仰之弥高钻之弥坚瞻之在前忽焉在后（论语子罕篇）

8. 欲罢不能——夫子循循然善诱人博我以文约我以礼欲罢不能既竭吾才如有所立卓尔（论语子罕篇）

9. 待价而沽——子贡曰有美玉于斯韞椟而藏诸求善贾而沽诸子曰沽之哉沽之哉我待贾者也（论语子罕篇）

10. 善贾而沽（贾，jià，通“价”）——子贡曰有美玉于斯韞椟而藏诸求善贾而沽诸子曰沽之哉沽之哉我待贾者也（论语子罕篇）

11. 韞椟而藏——子贡曰有美玉于斯韞椟而藏诸求善贾而沽诸子曰沽之哉沽之哉我待贾者也（论语子罕篇）

12. 逝者如斯——子在川上曰逝者如斯夫不舍昼夜（论语子罕篇）

13. 不舍昼夜（亦作不捨昼夜）——子在川上曰逝者如斯夫不舍昼夜（论语子罕篇）

14. 苗而不秀——子曰苗而不秀者有矣夫秀而不实者有矣夫（论语子罕篇）

15. 秀而不实（引申：华而不实）——子曰苗而不秀者有矣夫秀而不实者有矣夫（论语子罕篇）

16. 后生可畏——子曰后生可畏焉知来者之不如今也四十五而无闻焉斯亦不足畏也已（论语述而篇）

17. 知过必改——子曰主忠信毋友不如己者过则勿惮改（论语子罕篇）南朝梁·周兴嗣《千字文》：“知过必改，得能莫忘。”

18. 松柏后凋（岁寒知松柏）——子曰默而识之学而不厌诲人不倦何有于我哉（论语述而篇）

19. 勇者不惧——子曰知者不惑仁者不忧勇者不惧（论语子罕篇）

◇ 乡党篇（论语第十）

1. **侃侃而谈**——朝与下大夫言侃侃如也与上大夫言诇诇如也君在蹶蹶如也与与如也（论语乡党篇）
2. **敛容屏气**——入公门鞠躬如也如不容立不中门行不履闾过位色勃如也足躩如也其言似不足者摄齐升堂鞠躬如也屏气似不息者出降一等逞颜色怡怡如也没阶趋进翼如也复其位蹶蹶如也（论语乡党篇）
3. **屏气凝神**——入公门鞠躬如也如不容立不中门行不履闾过位色勃如也足躩如也其言似不足者摄齐升堂鞠躬如也屏气似不息者出降一等逞颜色怡怡如也没阶趋进翼如也复其位蹶蹶如也（论语乡党篇）
4. **屏声息气**——同上（论语乡党篇）
5. **鱼馁肉败**——食不厌精脍不厌细食饔而餲鱼馁而肉败不食色恶不食臭恶不食失饪不食不时不食割不正不食不得其酱不食肉虽多不使胜食气唯酒无量不及乱沽酒市脯不食不撤姜食不多食（论语乡党篇）

◇ 先进篇（第十一）

1. **三复白圭**——南容三复白圭孔子以其兄之子妻之（论语先进篇）
2. **三复斯言**——南容三复白圭孔子以其兄之子妻之（论语先进篇）朱熹注诗经大雅抑之篇曰白圭之玷尚可磨也斯言之玷不可为也南容一日三复此言（四书集注）
3. **言必有中**——鲁人为长府闵子骞曰仍旧贯如之何何必改作子曰夫人不言言必有中（论语先进篇）
4. **升堂入室（登堂入室）**——子曰由之瑟奚为于丘之门门人不敬子路子曰由也升堂矣未入于室也（论语先进篇）
5. **过犹不及**——子贡问师与商也孰贤子曰师也过商也不及曰然则师愈与子曰过犹不及（论语先进篇）
6. **鸣鼓而攻之**——季氏富于周公而求也为之聚敛而附益之子曰非吾徒也小子鸣

鼓而攻之可也（论语先进篇）

7. 群起而攻之——季氏富于周公而求也为之聚敛而附益之子曰非吾徒也小子鸣鼓而攻之可也（论语先进篇）

9. 一日之长（zhang3）——子路曾皙冉有公西华侍坐子曰以吾一日长乎尔毋吾以也（论语先进篇）

10. 一仍旧贯——鲁人为长府闵子骞曰仍旧贯如之何何必改作（论语先进篇）

12. 春风沂水——莫春者春服既成冠者五六人童子六七人浴乎沂风乎舞雩咏而归夫子喟然叹曰吾与点也（论语先进篇）

◇ 颜渊篇(第十二)

1. 克己复礼——颜渊问仁子曰克己复礼为仁一日克己复礼天下归仁焉（论语颜渊篇）

2. 内省不疚——司马牛问君子子曰君子不忧不惧曰不忧不惧斯谓之君子已乎子曰内省不疚夫何忧何惧（论语颜渊篇）

3. 恭而有礼——司马牛忧曰人皆有兄弟我独亡子夏曰商闻之矣死生有命富贵在天君子敬而无失与人恭而有礼四海之内皆兄弟也君子何患乎无兄弟也（论语颜渊篇）

4. 浸润之谮——子张问明子曰浸润之谮肤受之愬不行焉可谓明也已矣浸润之谮肤受之愬不行焉可谓远也已矣（论语颜渊篇）

5. 足食足兵——子贡问政子曰足食足兵民信之矣子贡曰必不得已而去于斯三者何先曰去兵子贡曰必不得已而去于斯二者何先曰去食自古皆有死民无信不立（论语颜渊篇）

6. 驷不及舌——棘子成曰君子质而已矣何以文为子贡曰惜乎夫子之说君子也驷不及舌文犹质也质犹文也虎豹之鞟犹犬羊之鞟（论语颜渊篇）

7. 驷马难追——棘子成曰君子质而已矣何以文为子贡曰惜乎夫子之说君子也驷

不及舌文犹质也质犹文也虎豹之鞞犹犬羊之鞞（论语颜渊篇）一言而非驷马不能追一言而急驷马不能及（邓析子转辞）

8. 片言折狱——子曰片言可以折狱者其由也欤子路无宿诺（论语颜渊篇）

9. 成人之美——子曰君子成人之美不成人之恶小人反是（论语颜渊篇）

10. 风行草偃——季康子问政于孔子曰如杀无道以就有道何如孔子对曰子为政焉用杀子欲善而民善矣君子之德风小人之德草草上之风必偃（论语颜渊篇）

11. 察言观色——子张问士何如斯可谓之达矣子曰何哉尔所谓达者子张对曰在邦必闻在家必闻子曰是闻也非达也夫达也者质直而好义察言而观色虑以下人在邦必达在家必达夫闻也者色取仁而行违居之不疑在邦必闻在家必闻（论语颜渊篇）

12. 一朝之忿——樊迟从游于舞雩之下曰敢问崇德修慝辨惑子曰善哉问先事后得非崇德欤攻其恶无攻人之恶非修慝欤一朝之忿忘其身以及其亲非惑欤（论语颜渊篇）

13. 自取自辱——子贡问友子曰忠告而善道之不可则止毋自辱焉（论语颜渊篇）

14. 以文会友——曾子曰君子以文会友以友辅仁（论语颜渊篇）

◇ 子路篇(第十三)

1. 名正言顺——子路曰卫君待子而为政子将奚先子曰必也正名乎子路曰有是哉子之迂也奚其正子曰野哉由也君子于其所不知盖阙如也名不正则言不顺言不顺则事不成事不成则礼乐不兴礼乐不兴则刑罚不中刑罚不中则民无所措手足故君子名之必可言也言之必可行也君子于其言无所苟而已矣（论语子路篇）

2. 手足无措——名不正则言不顺言不顺则事不成事不成则礼乐不兴礼乐不兴则刑罚不中刑罚不中则民无所措手足（论语子路篇）

3. 襁负而至——樊迟请学稼子曰吾不如老农请学为圃曰吾不如老圃樊迟出子曰小人哉樊须也上好礼则民莫敢不敬上好义则民莫敢不服上好信则民莫敢不用情夫如是则四方之民襁负其子而至矣焉用稼（论语子路篇）

4. 鲁卫之政——子曰鲁卫之政兄弟也（论语子路篇）

5. **胜残去杀**——子曰善人亦可以胜残去杀矣诚哉是言也（论语子路篇）
6. **一言兴邦**——定公问一言而可以兴邦有诸孔子对曰言不可以若是其几也人之言曰为君难，为臣不易如知为君之难也不几乎一言而兴邦乎（论语子路篇）
7. **一言丧邦**——曰一言而丧邦有诸孔子对曰言不可以若是其几也人之言曰予无乐乎为君唯其言而莫予违也如其善而莫之违也不亦善乎如不善而莫之违也不几乎一言而丧邦乎（论语子路篇）
8. **近悦远来**——叶公问政子曰近者说远者来（论语子路篇）
9. **欲速不达**——子夏为莒父宰问政子曰无欲速无见小利欲速则不达见小利则大事不成（论语子路篇）
10. **父为子隐（子为父隐）**——叶公语孔子曰吾党有直躬者其父攘羊而子证之孔子曰吾党之直者异于是父为子隐子为父隐直在其中矣（论语子路篇）
11. **斗筭之人（斗筭之器）**——子贡问曰何如斯可谓之士矣子曰行己有耻使于四方不辱君命可谓士矣曰敢问其次曰宗族称孝焉乡党称弟焉曰敢问其次曰言必信行必果硠硠然小人哉抑亦可以为次矣曰今之从政者何如子曰噫斗筭之人何足算也（论语子路篇）
12. **和而不同**——子曰君子和而不同小人同而不和（论语子路篇）
13. **泰而不骄**——子曰君子泰而不骄小人骄而不泰（论语子路篇）
14. **刚毅木讷**——子曰刚毅木讷近仁（论语子路篇）

◇ 宪问篇(第十四)

1. **危言危行**——子曰邦有道危言危行邦无道危行言孙（论语宪问篇）
2. **没齿无怨**——或问子产子曰惠人也问子西曰彼哉彼哉问管仲曰人也夺伯氏骍邑三百饭疏食没齿无怨言（论语宪问篇）
3. **见利思义**——见利思义见危授命久要不忘平生之言亦可以为成人矣（论语宪问

篇)

4. **见危授命**——见利思义见危授命久要不忘平生之言亦可以为成人矣(论语宪问篇)

5. **久要不忘**——见利思义见危授命久要不忘平生之言亦可以为成人矣(论语宪问篇)

6. **讷而不正**——子曰晋文公讷而不正齐桓公正而不讷(论语宪问篇)

7. **一匡天下**——子曰管仲相桓公霸诸侯一匡天下民到于今受其赐微管仲吾其被发左衽矣岂若匹夫匹妇之为谅也自经于沟渎而莫之知也(论语宪问篇)

8. **被发左衽(披发左衽)**——子曰管仲相桓公霸诸侯一匡天下民到于今受其赐微管仲吾其被发左衽矣岂若匹夫匹妇之为谅也自经于沟渎而莫之知也(论语宪问篇)

9. **下学上达**——子曰君子上达小人下达(论语宪问篇)

10. **夫子自道**——子曰君子道者三我无能焉仁者不忧知者不惑勇者不惧子贡曰夫子自道也(论语宪问篇)

11. **以德报怨**——或曰以德报怨何如子曰何以报德以直报怨以德报德(论语宪问篇)

12. **以直报怨**——以直报怨以德报德(论语宪问篇)

13. **以德报德**——以直报怨以德报德(论语宪问篇)

14. **怨天尤人**——子曰莫我知也夫子贡曰何为其莫知子也子曰不怨天不尤人下学而上达知我者其天乎(论语宪问篇)

15. **知其不可而为之**——子路宿于石门晨门曰奚自子路曰自孔氏曰是知其不可而为之者欤(论语宪问篇)

16. **硜硜(keng1)之愚(yu2)**——子击磬于卫有荷蕢而过孔氏之门者曰有心哉击磬乎既而曰鄙哉硜硜乎莫己知也斯己而已矣深则厉浅则揭子曰果哉末之难矣(论语宪问篇)

◇ 卫灵公篇(第十五)

1. **君子固穷**——在陈绝粮从者病莫能兴子路愠见曰君子亦有穷乎子曰君子固穷小人穷斯滥矣。(论语卫灵公)
2. **一以贯之**——子曰赐也女以予为多学而识之者欤对曰然非欤曰非也予一以贯之(论语卫灵公)
3. **无为而治**——无为而治者其舜也与(论语卫灵公)
4. **志士仁人(仁人志士)**——子曰志士仁人无求生以害仁有杀身以成仁(论语卫灵公)
5. **杀身成仁**——子曰志士仁人无求生以害仁有杀身以成仁(论语卫灵公)
6. **好行小惠**——子曰群居终日言不及义好行小慧难矣哉(论语卫灵公)
7. **言不及义**——子曰群居终日言不及义好行小慧难矣哉(论语卫灵公)
8. **直道而行**——子曰吾之于人也谁毁谁誉如有所誉者其有所试矣斯民也三代之所以直道而行也(论语卫灵公)
9. **大受小知**——子曰君子不可小知而可大受也小人不可大受而可小知也。(论语卫灵公)
10. **当仁不让**——子曰当仁不让于师(论语卫灵公)
11. **有教无类**——子曰有教无类(论语卫灵公)
12. **群而不党**——君子矜而不争群而不党(论语卫灵公)
13. **众好众恶**——子曰众恶之必察焉众好之必察焉(论语卫灵公)

◇ 季氏篇(第十六)

1. **社稷之臣**——季氏将伐颛臾冉有季路见于孔子曰季氏将有事于颛臾孔子曰求无乃尔是过欤夫颛臾昔者先王以为东蒙主且在邦域之中矣是社稷之臣也何以伐为(论语季氏篇)

2. **陈力就列**——孔子曰求周任有言曰陈力就列不能者止危而不持颠而不扶则将焉用彼相矣且尔言过矣虎兕出于柙龟玉毁于椟中是谁之过欤（论语季氏篇）
3. **持危扶颠**——危而不持颠而不扶则将焉用彼相矣（论语季氏）
4. **龟玉毁椟（玉毁椟中）**——虎兕出于柙龟玉毁于椟中是谁之过欤（论语季氏篇）
5. **虎兕出柙**——虎兕出于柙龟玉毁于椟中是谁之过欤（论语季氏篇）
6. **开柙出虎**——虎兕出于柙龟玉毁于椟中是谁之过欤（论语季氏）
7. **分崩离析**——今由与求也相夫子远人不服而不能来也邦分崩离析而不能守也而谋动干戈于邦内吾恐季孙之忧不在颛臾而在萧墙之内也（论语季氏篇）
8. **大动干戈**——今由与求也相夫子远人不服而不能来也邦分崩离析而不能守也而谋动干戈于邦内吾恐季孙之忧不在颛臾而在萧墙之内也（论语季氏篇）
9. **祸起萧墙**——今由与求也相夫子远人不服而不能来也邦分崩离析而不能守也而谋动干戈于邦内吾恐季孙之忧不在颛臾而在萧墙之内也（论语季氏篇）
10. **季孙之忧**——今由与求也相夫子远人不服而不能来也邦分崩离析而不能守也而谋动干戈于邦内吾恐季孙之忧不在颛臾而在萧墙之内也（论语季氏篇）
11. **益者三友**——孔子曰益者三友损者三友友直友谅友多闻益矣友便辟友善柔友便佞损矣（论语季氏）
12. **直谅多闻**——孔子曰益者三友损者三友友直友谅友多闻益矣友便辟友善柔友便佞损矣（论语季氏）
13. **血气方刚（血气方壮，血气方盛）**——孔子曰君子有三戒少之时血气未定戒之在色及其壮也血气方刚戒之在斗及其老也血气既衰戒之在得。（论语季氏）
14. **困而不学**——孔子曰生而知之者上也学而知之者次也困而学之又其次也困而不学民斯为下矣（论语季氏）
15. **困而学之**——孔子曰生而知之者上也学而知之者次也困而学之又其次也困而不学民斯为下矣（论语季氏）

16. 生而知之——孔子曰生而知之者上也学而知之者次也困而学之又其次也困而不学民斯为下矣（论语季氏）

17. 过庭之训——陈亢问于伯鱼曰子亦有异闻乎对曰未也尝独立鲤趋而过庭曰学诗乎对曰未也不学诗无以言鲤退而学诗他日又独立鲤趋而过庭曰学礼乎对曰未也不学礼无以立鲤退而学礼（论语季氏）

18. 诗礼之训——陈亢问于伯鱼曰子亦有异闻乎对曰未也尝独立鲤趋而过庭曰学诗乎对曰未也不学诗无以言鲤退而学诗他日又独立鲤趋而过庭曰学礼乎对曰未也不学礼无以立鲤退而学礼（论语季氏）

19. 隐居求志——孔子曰见善如不及见不善如探汤吾见其人矣吾闻其语矣隐居以求其志行义以达其道吾闻其语矣未见其人也（论语季氏）

◇ 阳货篇（第十七）

1. 怀宝迷邦——阳货欲见孔子孔子不见归孔子豚孔子时其亡也而往拜之遇诸涂谓孔子曰来予与尔言曰怀其宝而迷其邦可谓仁乎曰不可好从事而亟失时可谓知乎曰不可日月逝矣岁不我与孔子曰诺吾将仕矣。（论语阳货篇）

2. 莞尔而笑——子之武城闻弦歌之声夫子莞尔而笑曰割鸡焉用牛刀子游对曰昔者偃也闻诸夫子曰君子学道则爱人小人学道则易使也子曰二三子偃之言是也前言戏之耳（论语阳货篇）

3. 磨而不磷——佛肸召子欲往子路曰昔者由也闻诸夫子曰亲于其身为不善者君子不入也佛肸以中牟畔子之往也如之何子曰然有是言也不曰坚乎磨而不磷不曰白乎涅而不缁吾岂匏瓜也哉焉能系而不食（论语阳货篇）

4. 涅而不缁——不曰坚乎磨而不磷不曰白乎涅而不缁（论语阳货篇）

5. 杀鸡焉用牛刀（割鸡焉用牛刀）——子之武城闻弦歌之声夫子莞尔而笑曰割鸡焉用牛刀（论语阳货篇）

6. 兴观群怨——子曰小子何莫学夫诗诗可以兴可以观可以群可以怨迩之事父远

之事君多识于鸟兽草木之名（论语阳货篇）

7. **色厉内荏**——子曰色厉而内荏譬诸小人其犹穿窬之盗也欤（论语阳货篇）

8. **道听途说**——子曰道听而涂说德之弃也（论语阳货篇）

9. **患得患失**——子曰鄙夫可与事君也欤哉其未得之也患得之既得之患失之苟患失之无所不至矣（论语阳货篇）

10. **恶紫夺朱**——子曰恶紫之夺朱也恶郑声之乱雅乐也恶利口之覆邦家者（论语阳货篇）

11. **以紫乱朱**——子曰恶紫之夺朱也恶郑声之乱雅乐也恶利口之覆邦家者（论语阳货篇）

12. **饱食终日**——子曰饱食终日无所用心难矣哉不有博弈者乎为之犹贤乎已（论语阳货篇）

13. **面墙而立**——子谓伯鱼曰女为周南召南矣乎人而不为周南召南其犹正墙面而立也欤（论语阳货篇）

14. **无所用心**——子曰饱食终日无所用心难矣哉不有博弈者乎为之犹贤乎已（论语阳货篇）

15. **穿窬之盗**——子曰色厉而内荏譬诸小人其犹穿窬之盗也欤（论语阳货篇）

16. **牛刀割鸡**——子之武城闻弦歌之声夫子莞尔而笑曰割鸡焉用牛刀（论语阳货篇）

17. **上智下愚**——子曰唯上知与下愚不移（论语阳货篇）

18. **时不我待（时不我与，岁不我与）**——阳货欲见孔子孔子不见归孔子豚孔子时其亡也而往拜之遇诸涂谓孔子曰来予与尔言曰怀其宝而迷其邦可谓仁乎曰不可好从事而亟失时可谓知乎曰不可日月逝矣岁不我与孔子曰诺吾将仕矣。（论语阳货篇）

19. **无所不至**——子曰鄙夫可与事君也欤哉其未得之也患得之既得之患失之苟患失之无所不至矣（论语阳货篇）

20. 居下讪上——恶称人之恶者恶居下流而讪上者（论语阳货篇）

21. 免怀之岁——子生三年然后免于父母之怀（论语阳货篇）

22. 不磷不缁——不曰坚乎，磨而不磷。不曰白乎，涅而不缁。（论语阳货篇）

【释义】何晏集解引孔安国曰：言至坚者磨而不薄，至白者染之於涅而不黑。君子虽在浊乱，浊乱不能污。即磨不薄，染不黑。比喻坚贞高洁的品质，不因外界影响而有所改变。

23. 匏瓜空悬——吾岂匏瓜也哉焉能系而不食（论语阳货篇）

◇ 微子篇（第十八）

1. 父母之邦——柳下惠为士师三黜人曰子未可以去乎曰直道而事人焉往而不三黜枉道而事人何必去父母之邦（论语微子篇）

2. 枉道事人——柳下惠为士师三黜人曰子未可以去乎曰直道而事人焉往而不三黜枉道而事人何必去父母之邦（论语微子篇）

3. 季孟之间——齐景公待孔子曰若季氏则吾不能以季孟之间待之曰吾老矣不能用也孔子行（论语微子篇）

4. 来者可追——楚狂接舆歌而过孔子曰凤兮凤兮何德之衰往者不可谏来者犹可追已而已而今之从政者殆而孔子下欲与之言趋而辟之不得与之言。（论语微子篇）

5. 不敢问津——长沮桀溺耦而耕孔子过之使子路问津焉（论语微子篇）

6. 降志辱身——子曰不降其志不辱其身（论语微子篇）

7. 四体不勤——子路从而后遇丈人以杖荷蓑子路问曰子见夫子乎丈人曰四体不勤五谷不分孰为夫子（论语微子篇）

8. 五谷不分——子路从而后遇丈人以杖荷蓑子路问曰子见夫子乎丈人曰四体不勤五谷不分孰为夫子（论语微子篇）

9. 无可无不可——子曰不降其志不辱其身伯夷叔齐谓柳下惠少连降志辱身矣言中伦行中虑其斯而已矣谓虞仲夷逸隐居放言身中清废中权我则异于是无可无不

可。（论语微子篇）

10.故旧不弃——周公谓鲁公曰君子不施其亲不使大臣怨乎不以故旧无大故则不弃也无求备于一人（论语微子篇）

11.杀鸡为黍（杀鸡炊黍）——子路从而后遇丈人以杖荷蓑子路问曰子见夫子乎丈人曰四体不勤五谷不分孰为夫子植其杖而芸子路拱而立止子路宿杀鸡为黍而食之见其二子焉（论语微子篇）

12.鸡黍之膳——止子路宿杀鸡为黍而食之见其二子焉（论语微子篇）

13.求全责备——周公谓鲁公曰君子不施其亲不使大臣怨乎不以故旧无大故则不弃也无求备于一人（论语微子篇）

◇ 子张篇（第十九）

1.见危致命（见危授命，见危受命）——子张曰士见危致命见得思义祭思敬丧思哀其可已矣（论语子张篇）

2.临危致命（临危效命）——子张曰士见危致命见得思义祭思敬丧思哀其可已矣（论语子张篇）

3.博学笃志——子夏曰博学而笃志切问而近思仁在其中矣（论语子张篇）

4.切问近思——子夏曰博学而笃志切问而近思仁在其中矣（论语子张篇）

5.文过饰非——子夏曰小人之过也必文（论语子张篇）

6.有始有终——子游曰子夏之门人小子当洒扫应对进退则可矣抑末也本之则无如之何子夏闻之曰噫言游过矣君子之道孰先传焉孰后倦焉譬诸草木区以别矣君子之道焉可诬也有始有卒者其惟圣人乎（论语子张篇）

7.学而优则仕——子夏曰仕而优则学学而优则仕。（论语子张篇）

8.恶居下流——子贡曰纣之不善不如是之甚也是以君子恶居下流天下之恶皆归焉。（论语子张篇）

9.文武之道——卫公孙朝问于子贡曰仲尼焉学子贡曰文武之道未坠于地而在人贤

者识其大者不贤者识其小者（论语子张篇）

10. 赐墙及肩——叔孙武叔语大夫于朝曰子贡贤于仲尼子服景伯以告子贡子贡曰譬之宫墙赐之墙也及肩窥见室家之好夫子之墙数仞不得其门而入不见宗庙之美百官之富得其门者或寡矣夫子之云不亦宜乎（论语子张篇）

11. 不自量力（自不量力）——叔孙武叔毁仲尼子贡曰无以为也仲尼不可毁也他人之贤者丘陵也犹可逾也仲尼日月也无得而逾焉人虽欲自绝其何伤于日月乎多见其不知量也（论语子张篇）

12. 生荣死哀——陈子禽谓子贡曰子为恭也仲尼岂贤于子乎子贡曰君子一言以为知一言以为不知言不可不慎也夫子之不可及也犹天之不可阶而升也夫子之得邦家者所谓立之斯立道之斯行绥之斯来动之斯和其生也荣其死也哀如之何其可及也（论语子张篇）

◇ 尧曰篇（第二十）

1. 存亡继绝（兴亡继绝，兴灭继绝）——兴灭国继绝世举逸民天下之民归心焉（论语尧曰篇）

2. 天下归心——兴灭国继绝世举逸民天下之民归心焉（论语尧曰篇）

3. 望而生畏——君子正其衣冠尊其瞻视俨然人望而畏之斯不亦威而不猛乎（论语尧曰篇）

4. 惠而不费——子张曰何谓五美子曰君子惠而不费劳而不怨欲而不贪泰而不骄威而不猛（论语尧曰篇）

5. 不教而杀（不教而诛）——子曰不教而杀谓之虐（论语尧曰篇）